

Grasya para sa Tagumatayon

(Ilonggo Version)



R. B. THIEME, JR.

With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:

(Ginhatag pinaagi sa GLSP nga wala sing bayad ukon obligasyon.
Para sa dugang pa nga kasayuran mag-text ukon magtawag sa:)

email: jersal1978@yahoo.com (Visayan)

Smart: 0920-218-3668 (Visayan)

email: naconasg@yahoo.com (Ilonggo)

Smart: 0970-034-3191 (Ilonggo)

The electronic version of this book can be read or downloaded
through the Internet address <https://www.gracelsp.ph>.

(Ang sa electronic nga porma sang sini nga libro mahimong mabasa ukon ma-download
pinaagi sa internet address nga <https://www.gracelsp.ph>.)



Kay, “Ang tanang unud kaangay sang hilamon.
. . . Ang hilamon nagakalaya, kag nagakapulak
ang bulak, apang ang pulong sang Ginoo
nagapadayon sa walay katubtuban.”

1 Pedro 1:24–25

GRASYA PARA SA TAGUMATAYON

R. B. THIEME, JR.



R. B. THIEME, JR., BIBLE MINISTRIES
HOUSTON TEXAS

PALAKAT SA PANANALAPI

Wala sang bayad para sa bisan anong materyal halin sa R. B. Thieme, Jr., Bible Ministries. Ang bisan sin-o nga nagahandum sang pagpanudlo sa Bibliya makabaton sang amon mga bantalaan kag sang mga narekord sa audio kag video [English] nga wala sing obligasyon. Ang Dios nagasangkap sing doktrina sang Bibliya. Kami nagahendum nga ipakita ang lya grasya.

Ang R. B. Thieme, Jr., Bible Ministries isa ka grasya nga buluhaton sing pagpangalagad kag intero nga nagapanghikot sa boluntaryo nga mga amot. Kon ang pagkamapasalamaton para sa Pulong sang Dios ang nagaengganyo sa tumuluo agud maghatag, siya may pribilehiyo sang pag-amot para sa pagpalapnag sing doktrina sang Bibliya

Unang ginbantala subong *Dying Grace*

© 2004, 1977, ni R. B. Thieme, Jr. Ang tanan nga mga katungud ginreserva. Unang edisyon ginbantala sadtong 1965. Ikatatlo nga edisyon ginbantala sadtong 2004. Ikaduhang impresyon 2009

Ini nga libro gin-andam pag-imprenta halin sa
mga panudlo kag wala nabantala nga mga
sinulat nga mensahe ni R. B. Thieme, Jr.

Ang katalogo (sa English) sang pagtolon-an nga mga pagtoon sa Bibliya
igasangkap sa tion nga pangayoon, magpahibalo sa:

R. B. Thieme, Jr., Bible Ministries
P. O. Box 460829, Houston, Texas 77056–8829
www.rbthieme.org

Wala sang bahin sining bantalaan nga basi ginpahimo liwat ukon
ginpadala sa bisan ano man nga porma ukon sa bisan ano man nga
pamaagi, elektronika ukon minakina, lakip ang potograpiya, rekording,
ukon bisan ano man nga mga pahibalo nahanungud sa pagtipig kag
pamaagi sang pagkuha kag pagpadala, sang wala pagtugot paagi
sa sulat halin sa tagbantala.

Gin-imprenta sa Tagbilaran, Bohol, Philippines, 2024

Ginbadbad kag gin-andam sa pagpaimprenta ni
Gloria Estanda Naconas
Ginrepaso nila Alma Avila Cachopero
kag Dante Mallorca Canja
Gin-imprenta nga may pagtugot sang
R. B. Thieme, Jr., Bible Ministries.

Mga Hilisgutan

Pasiuna.....	v
Ang Hangkat sang Lawasnong Kamatayon	1
Ngaa Abi nga Lawasnong Kamatayon?	3
Ang Dios Nagasangkap sang mga Kasulbaran.....	7
Ang Kamatayon sang Ditumuluo	9
Ang Kamatayon sang Tumuluo	13
Pakamaayo sa Tagumatayon	14
Ang Duha ka mga Kamatayon ni Jesu-Kristo.....	19
Ang Paglaragway ni Job nahanungud sang Grasya para sa Tagumatayon	25
Ang Kamatayon Desisyon sang Dios	30
Ang Kada Tumuluo May Pilian	36
Ang Kamatayon sang Rebersyonistang Tumuluo.....	38
Ang Pagpaketala tubtub sa Kamatayon	40
Ang Pagpamatay sang Tumuluo.....	43
Ang Kamatayon sang Hamtong nga Tumuluo.....	44
Bibliyanhong mga Bagani kag ang Grasya para sa Tagumatayon	45
Mga Tumuluo sang Daan nga Katipan	45
Si Apostol Pablo	48
Kapasidad para sa Pakamaayo.....	53
Ang Nalupyakan sang Landong-sang Kamatayon	57

Ang Taytayan sa tunga sang sining Tinion kag sang Eternidad	59
Ang Pagsaylo nga Walay Kaangtanan sa Kamatayon.....	61
Ang Pinasahi nga Pagsaylo.....	61
Ang Henerasyon sang Pagsabnit.....	63
Ang Temporaryong Lawas.....	65
Sa Yadong Nabiyaan.....	65
Ang Hangkat sa Tumuluo	71
Dugang sa Basahon: Ang Pito ka mga Kamatayon	77
Tultulanan sa Balaan nga Kasulatan.....	80

Pasiuna

Sa wala ka pa mag-umpisa sang imo pagtoon sa Bibliya, kon tumuluo ka ni Ginoong Jesu-Kristo, siguroha nga gin-hinganlan mo ang imo mga sala sa pribado didto sa Dios nga Amay.

Kon ituad ta ang aton [nahibaloan] mga sala, matutum kag matarong Siya, kag magapatawad sang aton [nahibaloan] mga sala kag magatinlo sa aton sa tanan nga pagkadimatarong [wala nahibaloan ukon nakalimtan nga mga sala]. (1 Juan 1:9)

Niyan sa gilayon ara ka sa pakig-upod sa Dios, napun-an sang Balaan Espiritu, kag andam magtoon sing Doktrina sang Bibliya halin sa Pulong sang Dios.

“Ang Dios Espiritu, kag ang mga nagasimba sa Iya kinahanglan magsimba sa [sa pagpuno sang] espiritu kag [bibliyanhong] kamatuuran.”
(Juan 4:24)

Kon wala ka pa gid sa kinaugalingon nagtoo kay Jesu-Kristo subong imo Manluluwas, ang harambalon indi ang pagnganlan sang imo mga sala. Ang harambalon amo ang pagtoo lamang sa kay Kristo lamang.

“Ang nagtoo sa Anak may kabuhi nga walay katapusan; apang ang wala nagatuman [sa sugo agud magtoo] sa Anak indi makakita sang kinabuhi, kondi ang kasingkal sang Dios nagapabilin sa iya.” (Juan 3:36)

KAY ANG PULONG SANG DIOS buhi kag gamhanan, matalum pa sa bisan ano nga espada nga duha sing sulab, nga nagalapus tubtub sa nautlan sang kalag kag espiritu, sang mga latalutahan kag utok, kag nagahantup sang mga hunahuna kag mga tinutuyo sang tagiposoon. (Mga Hebreo 4:12)

Ang bug-os nga Kasulatan ginbugna sang Dios kag mapuslanon sa pagpanudlo, sa pagsabdong, sa pag-saway, kag sa paghanas sa pagkamatarong, agud nga ang tawo sang Dios mahimpit, nga masangkapan nga sa tagsa ka maayong buhat. (2 Timoteo 3:16–17)

Magtinguha sing maayo gid sa pagpakita sang imo kaugalingon sa Dios subong nga pinakamaayo, manugpangabudlay nga indi kinahanglan magkahuya, nga nagagamit sing matadlong sang pulong sang kamatuuran. (2 Timoteo 2:15)

ANG HANGKAT SANG LAWASNONG KAMATAYON

INDI MALIKAWAN, NGA KITA TANAN MAGAATUBANG SANG LAWASNONG KAMATAYON. Ang iban sa aton mapatay sa masakit nga pamaagi, ang iban sa matawhay, kag ang iban sing madungganon. Ang iban matulugan kag indi na gid makabugtaw; ang iban pa gid nagapakig-away para sa kahilwayan sing madramahon kaayo sa kinatapusang iya kinabuhi didto sa duug-awayan nga nagmadungganon. Hunahunaa ang maisog nga mga tawo sa United States Navy nga nalunud upod sa ila barko sa tapos ang Inaway sa Midway. Nabilanggo sa nakasirado nga mga kuwarto, gin-agwanta nila ang nabilin nga mga tion sang kinabuhi sa kadudulman sa pagkahibalo nga sa tunga nila kag sa mga balod kag sa ibabaw sang langit nangin hingpit nga wala na gid kondi ang mga tinolada sang tubig. Apang bisan pa sina ginakinahanglan nila maglingkod didto sa bug-os pagtalupangud nga, sa madali kag madugay, maubos ang hangin kag mapatay sila. Ano bala ang imo himoon kon

ikaw isa sa yadtong nakasarado nga mga kuwarto, nga buhi gihapon apang mga ginatos kag mga ginatos pa ka mga pye halin sa ibabaw? Mataranta ka bala? Matublag ka bala?

Wala gid sing makapahimo sang mas dako nga kahadlok sa katawhan kay sa paghunahuna sang lawasnon nga kamatayon. Si Satanas, subong ang manugdumala sa sining kalibutan (Juan 16:11), nagagamit sing kamatayon bilang ang pangligwat agud pahugon kag magkabalaka ang tawo (Mga Hebreo 2:14–15). Apang bisan pa sina, ang Dios wala gid nagdisenyo sing pagkapatay nga mangin makangilidlis ukon makahaladlok para sa tumuluo ni Ginoong Jesu-Kristo. Ang pagkahibalo sa tanan sang Dios siguradong nakahibalo kon ano kalawig magapabilin sa kalibutan, kag kon san-o Siya magadesisyon nga papilion ka, ini mangin sa tama nga tinion, sa tama nga duug, sa tama pamaagi. Tubtub sa sina nga tion, wala gid sing makapahalin sa imo sa sini nga kinabuhi—wala sing tawo, wala sing kahitaboan, indi bisan pa ang yawa kag ang tanang kasundalohan sang kalautan—tungud kay “mas dako Siya nga ara sa imo kay sa iya nga ara sa kalibutan” (1 Juan 4:4b).

Ang plano sang Dios para sa kada tumuluo amo ang makaangkon sing maayo kaayo nga kamatayon, ang tion nga ginahulat subong ang pangyam-is sa kinabuhi. Bisan kon nagaatubang sa kapahamakan ukon nagabatas sing ginpalawig, masakit nga balatian, wala gid ang tumuluo nagakinahanglan magkahadlok ukon magkabalaka nahannungud sang kamatayon. Ang Dios naggahin na sang partikular nga kamatayon sa kada tumuluo kag magrasyahon nga ginsuportahan Niya ang tagsa ka kinahanglanon agud himoon ang pagkapatay nga pinakamaayo, ang pinakamatam-is nga parte sing pagkinabuhi.

Ang plano sang Dios puwede matuman pinaagi lamang

pagsilsil kag pag-aplikar sang tumuluo sing Pulong sang Dios. Ang tumuluo lamang nga may pinakamadamo nga doktrina nga nagapuyo sa iya kalag ang may kapasidad maghatag sing importansya kag makaeksperyensya sing tanang tumalagsahon kaayo nga mga pakamaayo kag kalipay sang grasya para sa tagumatayon. Ang iya kamatayon puwede ukon indi puwede maglakip sang dakong lawasnong pag-antos. Apang bisan pa sina, may ara gid pirmi sing mangin pinakadako nga kalinong sa kalag agud nga nagabiya siya sa iya lawasnong lawas sa kahimtangan sing pagkadako kaayo nga kalipay. Ang kamatayon para sa tumuluo nga may doktrina sang Bibliya sa iya kalag amo ang paglakat patabok sa mataas nga bulawanong taytayan sing grasya para sa pagkapatay halin sa ikaduhang babin pakadto sa ikatalong babin.¹ Ang grasya para sa tagumatayon amo ang pang-ulahi sa pagbiya sa sini nga kinabuhi.

Ngaa Abi nga Lawasnong Kamatayon?

Bag-o kita makatoon sang grasya para sa tagumatayon, una gid ginakinahanglan naton mahangpan sing eksakto kon ano ang kamatayon. Ang pulong “kamatayon” dira sa Balaan nga Kasulatan wala pirmi nagatumod sa pagbiya sa kinabuhi diri sa kalibutan. Sa pagkamatuud, ang Bibliya

1. Ang plano sang Dios para sa kada tumuluo may ara tatlo ka mga babin: Ang unang babin amo ang kaluwasan, ang ikaduhang babin amo ang pagkinabuhi kag kamatayon sang tumuluo diri sa kalibutan; kag ang ikatatlong babin amo ang tumuluo sa langit. Tan-awa ang R. B. Thieme, Jr., *Ang Plano sang Dios* (Houston: R. B. Thieme, Jr., Bible Ministries, 2014). Sa palaabuton, ang dugang nga kasayuran sing akon mga libro magasambit lamang sing manunulat, titulo, petsa sang pagbantala (sa una nga dugang kasayuran), kag (mga)pahina

nagahambal sing pito ka mga klase sang kamatayon.² Kay ang katuyoan sini nga pagtoon magasentro lamang kita sa duha ka mga kategorya sang kamatayon: ang *espirituhanong kamatayon*—ang pagkahamulag ukon pagkahilayo sang tawo sa Dios (Mga Taga-Roma 3:23), kag ang *lawasnong kamatayon*—ang pagkahamulag sang tawhanong kalag, nga amo ang matuud nga tawo, halin sa lawas, nga amo ang kalibutanong tolda sang tawo (2 Mga Taga-Corinto 5:1–4).³ Agud mahangpan kon ngaa ang tawo wala nagakinabuhi sa walay katubtuban diri sa kalibutan, kinahanglan naton balikan ang ginalinan sang espirituhananong kamatayon.

Didto sa Hardin, ang Dios magrasyahong nagpahinumdum kay Adan kag sa babayi nga ang lya paghukum sa pagkadimasinulondon, ukon sala, mangin ang espirituhanong kamatayon.

“Apang halin sa kahoy sing ihibalo sang mawayo kag malaut indi ka magkaon, kag sa adlaw nga magkaon ka sini sigurado gid nga mapatay ka.” (Genesis 2:17)⁴

Nakahibalo kita nga ang pahayag nga “sigurado gid nga

2. Tan-awa ang Dugang sa Basahon.
3. Ang tawhanong kalag amo ina ang may panghangup ukon pangatarungan, dilawasnon nga aspeto sang katawhan nga nasakunan sang pagkahibalo-sa-kaugalingon, mentalidad, kabubut-on, kag konsensya. Tan-awa ang Thieme, *Ang Plano sang Dios*, 6–9.
4. Ang mga dugang nga kasayuran nga ginmarkahan “NASB” amo ang ginkutlo halin sa New American Standard Bible. Yadong ginmarkahan “KJV” amo ang ginkutlo halin sa King James Version; yadtong mga ginmarkahan “ginhusto nga mga pagbadbad” amo ang mga ginbadbad sang manunulat nga nagarepresenta sing mas literal sa orihinal nga Hebreo kag Griyego nga mga teksto. Ang kinorsitihan nga komentario nnagapaklaro sang kahulugan, nagapahunahuna pa gid sang exegesis, ukon nagapaugyon sa dalanon nga ginadiskusyonan karon. Ang mga nakarekord nga mga klase sa Bibliya nakahanda na sa R. B. Thieme, Jr., Bible Ministries, Houston Texas.

mapatay ka” wala nagatumod sa lawasnong kamatayon tungud kay si Adan kag ang babayi wala mapatay dayon sa lawas sang naglapas sila sa sugo sang Dios. Apang bisan pa sina, sila, napatay dayon sa espiritu (Genesis 3:7); nawala nila ang ila tawhanong espiritu kag nakaangkon sing makasasala nga kinaiya.⁵ Ang “sigurado gid nga mapatay ka” nagatumod sa espirituhanong kamatayon, ang pagkahamulag sa Dios sa sini nga tinion. Ang bag-ong naangkon ni Adan nga kahimtangan nga espirituhanong kamatayon nagpahimo man sa tanang palaabuton nga mga henerasyon nga makalukso sa espirituhanong kamatayon (Mga Taga-Roma 5:12, 14). Sa walay paglabot kay Jesu-Kristo, ang kada tawo natawo nga patay sa espiritu (Mga Taga-Efeso 2:1).⁶

Sa katapusan sang Genesis 3:17, aton naton-an sa

5. Orihinal nga gintuga sang Dios nga nabahin sa tatlo—lawas, kalag kag espiritu—kag buhi sa espiritu, si Adan kag ang babayi nagdula sang ila tawhanong espiritu, kag nahimong duha na lang ka bahin—lawas kag kalag—kag patay sa espiritu sa tion nga sila nakasala. Kon wala ang tawhanong espiritu, ang tawo walay kasarang sa paghangup ukon sa pagtoon kag pagmetabolisar sang espirituhanong katingalahang butang, ukon sang doktrina sang Bibliya.

Ang kada tawo, luwas sa kay Jesu-Kristo, natawo nga may duha ka bahin kag patay sa espiritu. Ang espirituhanong kamatayon amo ang resulta sing pagpaangkon sang orihinal nga sala ni Adan didto sa napormang makasasala nga kinaiya sa ginpanubli nga kaliwat. Ining makasasala nga kinaiya, nga nagsugod subong ang direktang resulta sang unang sala ni Adan, amo ang ginhalian sang pagsulay agud magrebelle sa Dios. Nagapuyo sa istrakta sing selyula sang lawas, ang makasasala nga kinaiya ginpassa pinaagi sa kaliwat halin sa kay Adan pinaagi sa lalaki pakadto sa tanang katawhan paagi sa pagpanganak (Mga Taga-Roma 6:6; 7:5, 18). Ang makasasala nga kinaiya amo ang “daan nga kinaugali” sang Mga Taga-Efeso 4:22 (KJV); Ang kinaiya ni Adan nga “unud” sang Mga Taga-Roma 8:3–4; ang palatukuran sang “sala” sang Mga Taga-Roma 7:8–20. Tan-awa ang Thieme, *Ang Dugo ni Kristo* (2019), 13–17; *Balaan Espiritu batok Ang Makasasala nga Kinaiya* (2015), 1–6; kag *Ang Pagkamatinud-anon sang Dios* (2017), 55–69.

6. Ang birhen nga pagbuntis sa diin si Jesu-Kristo nagsulud sa kalibutan nagpugong sang lya pagkatawo sa pag-angkon sang napormang panublion halin sa kaliwanan nga makasasala nga kinaiya agud nga walay pagpaangkon sang orihinal nga sala ni Adan. Si Jesu-Kristo gani natawo nga may tatlo ka bahin, perpetko, kag buhi sa espiritu. Tan-awa ang Thieme, *Ang Pagkamatinud-anon sang Dios*, 75–77.

pamulong “sa tanang mga adlaw sang imo kinabuhi” nga ang lawasnong kamatayon amo ang resulta sang espirituhanong kamatayon. Sa iban nga punto sang tinion ang kada sakup sang katawhan mapatay sa lawas, subong sang natabo kay Adan sa edad 930 ka tuig (Genesis 5:5). Ang lawasnong kamatayon amo ang pagkahamulag sang kalag sa lawas agud nga ang tawo wala na nagakinabuhi sa planetang kalibutan. Ang kalag, bisan pa sina, indi gid mapatay, kondi nagakinabuhi sa walay katubtuban bisan diin sa langit man ukon sa impiyerno.

Ang lawasnong kamatayon gani ginpakilala bilang ang importante kaayo nga harambalon sa anghelon nga pagsinumpunganay.⁷ Sanglit nga ang tawo gintuga agud magsulbar sining madugay-na kaayo nga pagsinumpunganay pinaagi sa pagpili kon uyon ukon batok sa plano sang Dios, ang iya tinion diri sa kalibutan mangin makahuluganon. Ang Dios nagagahin sa kada tawo sing partikular nga kadamoon sang mga inadlaw sa diin basi pilion niya nga mag-uyon ukon magbatok sa lya plano. Kon ini nga tinion paubos na, ang lawasnong kamatayon mahitabo.

Kag sa bagay nga gintalana na sa mga tawo

7. Ang anghelon ngaa pagsinumpunganay amo ang indi makita nga espirituhanong pag-ilinaway sa tunga sang kalibutanong kasandalohan ni Satanas kag sang langitnong kasundalohan sang Dios (Bugna 4:7). Ang anghelon nga pagsinumpunganay nagsugod sadtong nagligad nga eternidad sang si Lucifer (ang ngalan ni Satanas sang wala pa siya nagpakasala) naghimo sa iya kaugalingon lamang sa Dios (Isaias 14:13–14), naghaylo sing isa sa tatlo ka bahin sa anghelon nga ginsakupan (Bugna 12:4), kag nagsindi sining sinaunang kasaysayan nga pagribuk. Ang pagkamarong kag katarungan sang Dios naghukum kay Satanas kag sa iya mga sumulunod (mga demonyo) tungud sang ila pagrebelde batok sa lya kag nagsilot sa ila patambog sa linaw sang kalayo sa bug-os nga eternidad (Mateo 25:41). Thieme, *Si Satanas kag ang Demonyonismo* (2023).

Ang linaw sang kalayo, ukon impiyerno, amo ang literal kag walay katapusang duug sing paghukum, pag-antos, kag kasakit para sa tanan wala nagatoo nga katawhan (Lucas 16:22–24; Bugna 20:15), si Satanas, kag ang tanan niya nga mga demonyo (Bugna 20:10).

nga mapatay sa makaisa [sa lawas] kag pagkatapos sini [para sa yadtong nagsikway sa kay Kristo subong Manluluwas] *nagaabot* ang paghukum. (Mga Hebreo 9:27)

Ang Dios Nagasangkap sang mga Kasulbaran

Ang Dios balaan (1 Samuel 2:2). Ang pagkabalaan sang Dios, ukon pagkamatinud-anon, nasakupon sang lya perpektong pagkamatarong kag katarungan. Ang pagkamatarong sang Dios amo ang sulundan ukon palatukuran sang lya pagkamatinud-anon; ang lya katarungan amo ang nagapanghikot sang lya pagkamatarong. Kon ano ang ginabaton sang pagkamatarong sang Dios, ginapakamaayo sang lya katarungan. Kon ano ang ginasikway sang pagkamatarong sang Dios, ginahukman sang lya katarungan. Sanglit nga ang pagkamatarong sang Dios wala gid sing mahimo nahanungud sa patay sa espiritu nga katawhan, ang lya katarungan magsilot lamang sa iya. Apang sa pagkahibalo nga ang tawo magapakasala kag mapaslawan, ang gugma kag pagkamatinud-anon sang Dios nagasangkap sing pamaagi para sa tawo nga makaangkon sing relasyon sa lya. Ang tawo puwede makalapit sa Dios pinaagi sa palisiya sang lya grasya.

Ang grasya amo ang pagpahayag sang mapinadayunon nga gugma kag pagkamatinud-anon sang Dios, ang palisiya sang lya nangin-didapat nga pabor nga ginhatac sa makasasala nga katawhan (Isaias 30:18). Ginpahayag sing simple lamang, ang grasya hilway nga ginhatac kag nangindidapat. Ang Dios ang nagahimo sang tagsa ka butang para sa tawo suno sa pagluwas nga trabaho ni Jesu-Kristo

didto sa krus (Mga Taga-Efeso 1:6). Ang grasya nagsugod na sadtong nagligad nga eternidad upod sa Dios kag amo ang divine nga pag-umpisa nga nagatanyag sing relasyon kag sang mga pakamaayo sa katawhan bug-os nga luwas sa tawhanong kamaayo, tawhanong mga trabaho, ukon sang bisan anong mga pagkabutang. Ang katawhan wala gid sing mahimo agud makaagum ukon mangin-dapat sa grasya. Ang grasya nga plano sang Dios nahanungud sa kaluwasan wala lamang nagapakita sang lya perpektong karakter, kondi nagapasiguro sing kapiyerdihan ni Satanas dira sa anghelon nga pagsinumpunganay (Genesis 3:15).

“Kay ginhigugma gid sang Dios ang kalibutan, sa bagay nga ginhataq Niya ang lya bugtong nga Anak, agud nga ang bisan sin-o nga magtoo sa lya indi mawala, kondi may kinabuhi nga walay katapusan.” (Juan 3:16)

Sa isa ka bahin, ang pagkamatarong kag katarungan sang Dios nagakinahanglan sining duha nga espirituhanon kag lawasnong kamatayon. Sa pihak nga bahin, ang lya pagkamatarong kag katarungan mapakalma sang trabaho ni Kristo didto sa krus tungud sa aton.

Siya nga wala makakilala sang sala ginhimo nga *mangin* sala tungud sa aton. (2 Mga Taga-Corinto 5:21a)

Ang Dios sa karon hilway na nga magsangkap sing mga kasulbaran para sa duha ka pinakadalagko nga mga palaligban sang tawo. Ang palaligban nahanungud sa espirituhanong kamatayon sang tawo nasulbar pinaagi sa iya nangin-didapat nga pagtoo sa kay Jesu-Kristo subong

Manluluwas. Sa tion sang kaluwasan, ang bag-ong tumulo sa gilayon nagabaton sing tawhanong espiritu sa diin ang Balaan Espiritu nagapaangkon sang kinabuhi nga walay katapusan nga nagapahimo sa iya nga buhi sa espiritu, ukon “natawo liwat” (Juan 3:6–7).⁸ Ang palaligban sang lawasnong kamatayon sang tumulo—ang kahadlok—nasulbar na pinaagi sa iya pagsilsil sang doktrina sang Bibliya kag pag-abante pakadto sa espirituhanong pagkahamtong sa diin indi niya malikawan nga makabaton sing katingalahang divine nga mga pakamaayo nahanungud sa grasya para sa tagumatayon.

Ang Kamatayon sang Ditumuluo

Para sa ditumuluo nga wala nakaangkon sang kina-buhi nga walay katapusan, ang lawasnong kamatayon nagarepresenta sang makangilidlis kaayo nga laragway. Dira sa Job 24:17, si Job nagasiling, kon hambalan ang nahanungud sa ditumuluo nga nagaatubang sa kamata-yon, “Kay ang kaagahon sa iya kapareho subong sing ländong sang kamatayon” (ginhusto nga pagbadbad). Ang kasanag sang kaagahon walay kahulugan sa tagumatayon nga ditumuluo. Nahadlok siya kaayo sa posibleng matabo nga kamatayon nga sa tinion sang adlaw ukon sang iya palibot wala gid sing kahulugan sa iya; ara siya sa kahimtangan sang kahadlok. Si Elihu nag-uyon kay Job nahanungud sa ditumuluo nga nagaatubang sa kamatayon Job 34:22 sang siya nagsiling, “Walay kadudulman kag

8. Kon ang tumuluo mapatay, ang iya tawhanong espiritu nagaupod sa iya kalag pakadto sa langit (1 Mga Taga-Tesalonica 5:23). Tan-awa ang Thieme, *Ang Balabag* (2014), 19–23; *Mga Dila* (2024), 86–88.

walay landong sang kamatayon sa diin ang mga tabahador sang kalautan puwede magtago sang ila mga kau-galingon” (ginhusto nga pagbadbad). Wala gid sing duug nga matagoan sang ditumuluo sa reyalidad sang kamatayon. Kon siya mapatay, ang iya kalag makadto sa Hades agud maghulat sing pagkabanhaw pakadto sa Ulihing Paghukum.⁹

Para sa ditumuluo, ang kamatayon isa ka pahinumdum nga ang iya tinion diri sa kalibutan manubo lamang (Santiago 4:14). Bisan kon siya nagakinabuhi sing ginatos ka mga tinuig, ina manubo kaayo gihapon nga kalawigon sang tinion kon ipaanggid sa eternidad. Ang kamatayon isa man ka pahinumdum sang pagkawalay pulus sing himaya sa sining kalibutan. Ang tawhanong pagkabantog ukon ang dako kaayo nga kamanggaran ukon ang bisaan anong dapat nga mangin yabi pakadto sa kalipay nga ginpakatarantahan ka lagaslagas sa kinabuhi ginguba sang kamatayon. Si Gaius Julius Caesar amo ang tawo nga may matuud nga pagkadungganon, ang tawo nga mangin-alamon sa kada ginsakupan sang kinabuhi, apang diin bala siya sa karon nga panahon? Didto siya sa Hades nagahulat nga isaylo didto sa linaw sang kalayo sa tion sang Ulihing Paghukum. Didto siya sa mga Kasakit karon

9. Ang Hades amo ang kasami nga pakadtoan para sa puluy-an sang patay, sining tumuluo kag ditumuluo, sang wala pa ang pagkabanhaw kag pagkayab ni Jesu-Kristo. Dason pagkatapos sina, ang puluy-an sang tanang mga tumuluo sa tion sang ila mga kamatayon amo ang langit. Ang Hades nasakupan sang tatlo ka mga departamento: Paraiso, Mga Pasakit, Tartarus kag ang Abyss. Tan-awa ang Thieme, *Pagpahayag sang Kadaugan* (2016), 32–36.

Ang Ulihing Paghukum amo ang kinaputokputokan nga paghukum sa kasaysayan sang tawo nga nagasunud sa Millennium sa diin ang tagsa ka ditumuluo sang katawhan nahamulag sa Dios sa bug-os nga eternidad kag ginsilotan pakadto sa linaw sang kalayo tungud sang sala nga dipagtoo (Mateo 25:41). Ini gintawag man nga “ang ikaduhang kamatayon” (Bugna 2:11) ukon ang paghukum sa “dakong maputi nga trono” (Bugna 20:11–15). Tan-awa ang Thieme, *Tiyanggihan sa Ulipon sang Sala* (2014), 33–35.

kag mangin didto siya sa kasakit sa walay katubtuban (Mateo 25:41; Bugna 20:14–15).¹⁰ Ano bala ang naganansya niya karon amo bala ang iya kadungganon kag ang nangin dapat-gid nga kabantugan kag kadungganan? Wala gid sa sina tanan. Kay sa makaisa nga ang tawo nagasugod nga mapatay, ining tanan nga mga butang malus-aw—*sic transit gloria mundi*, “gani ang himaya sang kalibutan nagakadula.” Ang walay katapusan nga mga butang lamang ang nagapabilin sa walay katubtuban.

Kay ano bala ang maganansya sang isa ka tawo kon maangkon niya ang bug-os nga kalibutan, kag madula niya ang iya kaugalingong kalag? Ukon ano bala ang mahatag sang isa ka tawo nga baylo sang iya kalag? (Marcos 8:36–37, NKJV)

Bisan kon ano man nga kalingawan sa kinabuhi ang ara sa ditumuluo ukon bisan kon ano man ang iya mga kadalagan, ang tanan mangin mapait nga mga handumanan. Kay sa ditumuluo walay paglaum sa pihak sang lulubngan—ang pagpaabot lamang sang walay katapusan nga paghukum.

Ang ditumuluo nga nagaatubang sing kamatayon gin-pahinumduman man nga indi gid siya mangahas nga haumhaumon lamang ang buwas. Ang kamatayon isa ka mурто sang siguradong paghukum para sa yadtong mga wala nakapreparar. Ang solo nga preparasyon para sa eternidad amo ang labing importanteng desisyon sa kinabuhi: ang

10. Ang kompartamento sang Hades, ang mga Kasakit amo ang temporary nga puluyan nga kalayo sa diin ang ditumuluo nagapuyo pagkatapos mapatay tubtub sa Ulihing Paghukum sa katapusan sing kasaysayan sang tawo. (Lucas 16:23; Bugna 20:11–15). Tan-awa ang Thieme, *Pagpahayag sang Kadaugan*, 34–35.

pagpili nga magtoo sa kay Jesu-Kristo subong Manluluwas (Mga Binuhatan 16:31). Sa pihak nga babin,

Siya nga wala nagatoo nahukman na, tungud kay wala siya nagtoo sa ngalan sang bugtong nga Anak sang Dios. (Juan 3:18b)

Apang sa pihak nga babin,

Gani karon wala na sing pagsilot [paghukum] para sa yadtong ara sa kay Kristo Jesus. (Mga Taga-Roma 8:1)

Dugang pa, ang Pulong sang Dios maathag nga gina-pahayag:

“Siyá nga nagatoo sa Anak may kinabuhi nga walay katapusan, apang siya nga wala nagatuman sa Anak indi makakita sang kinabuhi, kondi ang kasingkal sa Dios nagapabilin sa iya.” (Juan 3:36)

Kay sa ditumuluo, ang kamatayon nagakahulugan sang walay katapusan nga paghukum didto sa linaw sang kalayo.

Kag kon ang bisan kay sin-o nga ngalan wala makit-an nga nakasulat sa libro sang kinabuhi, gintagbong siya didto sa linaw sang kalayo. (Bugna 20:15)

Wala gid sing pamaagi nga kita makahimo ukon gusto magbuhin sing kahaladlokan nahanungud sa kamatayon para sa ditumuluo (Marcos 9:47b–48). Ginakinahanglan

siya mangatubang sing bug-os nga reyalidad nga indi siya preparado para sa eternidad kag sa sina amo ini ang pagkamatuud “ang makahaladlok nga butang mahulog sa mga kamut sang buhi nga Dios” (Mga Hebreo 10:31).

Apang, ining amo man nga buhing Manluluwas paagi sa lya paghalili nga espirituhanong kamatayon didto sa krus naghatag sa ditumuluo sing pamaagi agud makapalagyo. Tubtub nga buhi siya, ang ditumuluo may oportunidad nga magbaton ukon magsikway kay Jesu-Kristo subong Manluluwas. Ang Dios wala nagapanghilabot sa hilway nga pagbuut ni bisan sin-o. Indi Siya luyag nga may bisan sin-o “mapahamak kondi ang tanan mag-abot sa paghinulsol [pagbaylo sing hunahuna nahanungud kay Kristo]” (2 Pedro 3:9). Si Jesu-Kristo amo “ang dalan, kag ang kamatuuran, kag ang kinabuhi” (Juan 14:6). Pinaagi sa pagtoo lamang sa kay Kristo lamang, ang ditumuluo puwede makaangkon para sa iya kaugalingon sa iya dako-kaayo nga kaluwasan.

“Magtoo sa kay Ginoong Jesus, kag maluwasa ka.” (Mga Binuhatan 16:31a)

ANG KAMATAYON SANG TUMULUO

Ang pagkalain sa ginapaabot nga kalisang sang ditumuluo, ang kamatayon sang tumuluo paagi sa grasya para sa tagumatayon bug-os nga tumalagsahong kamaayo gid. Luwas sa pagkuha sang tanan mga kahadlok kag sang mga walay kasigurohan nahanungud sang kamatayon, ang grasya para sa tagumatayon mas mataas sa tanang mga pakamaayo sa kinabuhi tungud sang kon sin-o kag kon ano si Kristo kag ang lya matahum kaayo nga pagsangkap sa lya nasulat na nga Pulong. Pinaagi sa madamo kaayo

nga doktrina sang Bibliya nga nagapuyo sa iya kalag, ang tumuluo may kasarang sa pagbalikid sang iya kina-buhi nga walay mga paghinulsol kag may dakong pagkakontento. Sa amo man nga tinion, nagaatubang siya sang eternidad nga may matahum nga pagpaabot sa pagsugata sa Ginoo sang Himaya sing atubangay gid. Upod sa malig-on nga pagsalig, ang tumuluo nga may dako kaayo nga doktrina sa iya kalag nagalantaw sa unahan sa pagbaton sang iya walay katapsan nga mga pakamaayo kag mga padya nga ginsangkap sang Dios sadtong nagligad nga eternidad (1 Mga Taga-Corinto 2:9; Mga Taga-Efeso 1:3; 2:7; Mga Taga-Filipos 3:14; Bugna 2:10, 28; 3:4–5).

Ngaa man nga ang grasya para sa tagumatayon daw sa nangin eksklusibo nga pribilehiyo sing yadtong mga tumuluo, nga may dako kaayo doktrina sa ila mga kalag? Indi bala gusto sang mahigugmaon nga Dios nga may dakong kalipay ang tanan Niya nga mga kaanakan sa ila ulihing mga tion diri sa kalibutan? Makabatas bala ang Dios nga mangin magdimaangayon? Hingpit nga Indi gid! Impossible gid para sa perpekto nga Dios nga mangin bisan ano na lang kondi bug-os nga matarong kag patas sa tagsa ka butang nga lya ginahimo. Niyan, paano bala, naton mapaathag ining klarong walay pagkaparepareho?

Pakamaayo sa Tagumatayon

Gani ang GINOOG nagahandum nga mangin
magrasyahon sa inyo,
Kag gani nagahulat Siya didto sa kataasan nga
magmaloloy-on sa inyo.
Kay ang GINOOG amo ang Dios sang katarungan;
Daw ano ka bulahan yadtong tanan nga

nagahandum sa lya [ang pasensya kag dedikasyon sa pagpadayon sa pagtoon sang doktrina]. (Isaias 30:18)

Ang tanang pakamaayo amo ang isa ka butang nga grasya sang Dios. Ang pagkagamhanan sa tanan sang Dios may gahum kag abilidad sa pagpakamaayo sang tumuluo. Halin pa sang nagligad nga eternidad, ang pagkahibalo sa tanan sang Dios pirmi na gid nakahibalo sing eksakto kon paano pakamaayohon ang tumuluo. Apang bisan pa sina, dira sa paghimo sang bisan ano sang lya divine nga mga kinaugalian ang Dios kinahanglan mag-ugyon sa ginakinahanglan sang lya kaugalingong perpektong pagkamatrong. Gani ang katarungan sang Dios nagasiling, “Hulat anay! Ang siguradong matarong nga mga talaksan kinahanglan masugata gid sa wala Ko pa mahatag ang bisan anong butang paagi sa pakamaayo para sa makasasala nga tawo.”

Ang Dios lamang ang makahunahuna sing pamaagi para sa makasasala nga tawo sa pagtuman sang lya matarong nga mga sulundan kag mapakamaayo sa walay pagkompromiso sang lya karakter. Ang Dios nagasugod pinaagi sa pagpaangkon sang lya divine nga pagkamatarong sa tumuluo sa tion sang kaluwasan (Mga Taga-Roma 3:22; 1 Mga Taga-Corinto 1:30; 2 Mga Taga-Corinto 5:21; Mga Taga-Filipos 3:9).¹¹ Ang ginpaangkon nga pagkamatarong amo ang basihanang para sa pagpakamatarong sa aton.¹² Ang ginpaangkon nga nagahimo sang tumuluo nga natungdan

11. Thieme, *Ang Pagkamatinud-anon sang Dios*, 83–85.

12. Ang pagpakamatarong amo ang legal ukon poresiko nga pagpahayag halin sa katarungan sang Dios nga nagadeklara sang pagpamatuud sang tumuluo nga nagakatabo subong ang resulta sang pagpaangkon sang divine nga pagkamatarong sa tion sang kaluwasan. Ibid., 85–90.

sang walay katapusan, kinaugalingong gugma sang Dios. Sanglit ang Dios nagapangita sang pinakamataas kag pinakamaayo para sa mga matungdan sang iya gugma, sadtong nagligad nga eternidad nagsangkap Siya sing tumalagsahong mga pakamaayo lakip ang grasya para sa tagumatayon para sa kada tumuluo. Ang ginpaangkon nga pagkamarong amo man ang puntiryा para sa tanang nagaesunud nga pakamaayo halin sa Dios.¹³ Ang pagpaangkon sang divine nga pagkamarong nagatukod sang ‘tubo sang grasya’ nga ginkapsula sa bisan anong sistema sang tawhanong mga trabaho ukon kamaayo kag pinaagi sa diin ang Dios makapakamaayo sang tumuluo.

Sa kada bahin sang divine nga plano, ang tumuluo naga panghikot sa idalum sang iya nangin-didapat nga magtoo kag nagakaigo sa mga pakamaayo nga gintuman sang Dios sa iya bahin. Una, tungud kay si Kristo, ang Anak sang Dios, ginhukman didto sa krus sang Dios nga Amay tungud sang mga sala sang intero nga katawhan, ang tanan nga ginakinahanglan naton himoon amo ang magtoo sa pagluwas nga trabaho ni Kristo para sa kaluwasan (1 Pedro 2:24). Ikaduha, tungud kay si Kristo nagbayad na sang silot tungud sang aton mga sala didto sa krus, puwede na kita magpanumbalik na lang—ngalanan ang aton nahibaloan nga mga sala didto sa Dios—magbalik sa pagpakig-upod sa iya sa tapos nga kita nakasala.¹⁴ Ang Dios “matutum kag matarong sa pagpatawid sa aton

13. Ibid., 90–92.

14. Sa tion sang kaluwasan, ang tagsa ka tumuluo may ara walay katapusan nga relasyon sa Dios kag nakasulud sa temporaryong pagpakig-upod sa Dios pinaagi sa hingpit nga kahimtagan sang pagkanapun-an sang Balaan Espiritu. Sang ang tumuluo nagpakesala ara siya sa hingpit nga kahimtagan sang pagkaunudnon; wala niya nadula ang iya kaluwasan, apang nadula ang iya pagpuno sang Balaan Espiritu kag temporaryong pagpakig-upod sa Dios. Tan-awa ang Thieme, *Balaan Espiritu batok Ang Makasasala nga Kinaiya*, 34–38.

sang mga sala naton kag magatinlo sa aton sa tanang pagkadimatarong” (1 Juan 1:9b).¹⁵ Kag sa katapusan, tunganud kay ang iya paminsaron—ang Pulong sang Dios, hunahuna ni Kristo (1 Mga Taga-Corinto 2:16)—nagahulum sang aton mga kalag pinaagi sa grasya nga galamiton sa pag-inoino para sa pagtoon sing doktrina sang Bibliya, puwede na kita makaabante sa espirituhanong pagkahamtong sa diin may ara kita pinakadako nga kapasidad nga maulanan sang matahum kaayo nga mga pakamaayo para sa pagkinabuhi kag pagkapatay (Salmo 138:2b).¹⁶

Apang bisan pa sina, agud makabaton sing pakamaayo halin sa Dios, ang kapasidad para sa pakamaayo *kinahanglan* nagauna sa pakamaayo. Ang tanang kapasidad sa espirituhanong kinabuhi suno sa ihibalo sa doktrina sang Bibliya. Sa mas madamong doktrina ang nahibaloan sang tumuluo, mas dako pa gid ang iya kapasidad sa pakamaayo halin sa Dios. Ang kalag lamang nga napun-an sing doktrina sang Bibliya ang makapahimo sang sa sulud nga mga pakamaayo sing kalinong, kalipay, kag pagsalig agud magpakig-away sa kasami nga pagkataranta, sobrang pagkabalaka, kag walay pagkalig-on nga nagaupod sa tagumatayon.

Yari karon, ang mata sang GINOO [ang dugang
kasayuran sa divine nga pagsangkap kag
pakamaayo] ara sa yadtong nagakahadlok

15. Thieme, *Panumbalik kag Magpadayon!* (2016).

16. Ang grasya nga galamiton para sa pag-inoino, ukon GGP amo ang nangin-didapat nga sistema para sa espirituhanong pagtubo kag sa pag-uswag nga ginsangkap sang Dios agud nga ang tagsa ka tumuluo walay sapayan sang iya tawhanong IQ ukon edukasyon makatoon kag makahangup sang bug-os nga ginsakupan sang doktrina sang Bibliya. Tan-awa ang Thieme, *Ang Pagkamatinud-anon sang Kristohanon* (2019), 108–10; *Rebersiyonismo* (2023), 4–12.

[nagatahod] sa lya [hamtong nga mga tumuluo nga mga nalikupan sang Ginhalinan sang tanang mga pakamaayo],

Sa yadtong nagalaum sa lya mahigugmaong-kabuutan,
 Sa pagpalingkawas sang ila kalag [grasya para sa tagumatayon] sa kamatayon. (Salmo 33:18–19a)

Ngaa man nga ang “mata sang GINOO” sa yadtong mga nalikupan Niya? Tungud kay ang tumuluo nga naghamtong sa espiritu bug-os nga nagpauyon sa katarungan sang Dios.¹⁷ Nagsunud siya sa divine nga plano pinaagi sa pagpauyon sa katarungan sang Dios sa kaluwasan, panumbalik, kag espirituhanong pagtubo agud nga may kapasidad

17. May tatio ka mga pagpauyon sa katarungan sang Dios nga ginmando pinaagi sa Balaan nga mga Kasulatan:

1. Ang tumuluo nagahimo sang pagpauyon sa kaluwasan didto sa katarungan sang Dios sa makaisa kag sa bug-os nga luwas sa bisan anong tawhanong kamaayo pinaagi sa pagtoo lamang sa kay Kristo lamang (Mga Taga-Efeso 2:8–9). Ang pirlilan sa pagpauyon sa katarungan sang Dios amo nga ang katarungan sang Dios magapauyon sa ditumuluo pinaagi sa walay katapusanan nga silot didto sa linaw sang kalayo (Juan 3:18; 36; Bugna 20:12, 15).
2. Ang tumuluo sa tapos ang kaluwasan ginakinahanglan maghimo sing pagpauyon sa katarungan sang Dios sa kada tinion nga siya nagapakasala pinaagi sa pag-ako sang iya mga sala sing pribado didto sa Dios nga Amay agud nga makabaton siya sing kapatawaran, mabawi ang pagpuno sang Balaan Espiritu, kag makabalik sa pagpakig-upod (1 Juan 1:9). Ang pirlilan amo ang katarungan sang Dios nagapauyon sa unudnon nga tumuluo dira sa divine nga disciplina (Mga Hebreo 12:5, 11).
3. Ang tumuluo nga nagaabante sa espirituhanong pagkahamtong nagapauyon sa katarungan sang Dios paagi sa pagtubo pinaagi sa grasya kag ihibalo nahanungud sa aton Ginoo kag Manluluwas nga si Jesu-Kristo (2 Pedro 3:18). Ang pirlilan amo ang katarungan sang Dios nagapauyon sa tumuluo nga negatibo nahanungud sang doktrina sa Bibliya pinaagi sa pagpatuman sang sala padulong sa kamatayon (1 Juan 5:16). Tan-awa ang Thieme, *Ang Pagkamatinud-anon sang Dios*, 156–59. Tan-awa man ang mga pahina 40–42.

siya sa pagbaton sing mga pakamaayo nga grasya para sa tagumatayon. Subong nalikupan Niya amo ina ang pagkanalikupan ni Kristo nga hamtong nga tumuluo—sang iya gugma, pagpalangga, kag pagtahod para kay Ginoong Jesu-Kristo tungud sang madamo kaayong doktrina sang Bibliya nga nagapuyo sa iya kalag. Gani ang Dios hilway sa pagpakamaayo sa iya, bisan pa sa pinakadako sa tanang mga pakamaayo sang Dios sa sining tinion.

Bililhon sa itololok sang GINOO
 Ang kamatayon sang lya balaan [hamtong nga
 mga tumuluo]. (Salmo 116:15)

Bilang isa ka espirituhanong hamtong nga tumuluo, ang imo mga tion sing pagkatagumatayon bililhon gid kaayo sa Dios tungud kay sila amo ang lya kinatapusang oportunidad sa pagpamatuud sang tanang doktrina sang Bibliya sa imo kalag. Dugang pa, ang paghatag sang grasya para sa tagumatayon nagapakita sang lya divine nga pagtugot. Nahimaya mo ang Dios sa anghelon nga pagsinumpunganay. Napahamuut mo ang Dios kag nagahatag ini sa lya sing dakong kalipayan nga pakamaayohon ka.

Ang Duha ka mga Kamatayon ni Jesu-Kristo

Walay libro sa harambalon nahanungud sa tagumatayon nga mangin kompleto nga walay pagtoon sang pagkapi-nasahi sing kamatayon sang aton Ginoo. Si Jesu-Kristo napatay sa makaduha didto sa krus; napatay Siya sa espiritu pinaagi sa lya pagkahamulag sa Amay (Salmo 22:1a), kag dason napatay Siya sa lawas pinaagi sa pagtugyan sang lya kalag kag espiritu (Juan 19:30). Ini nga pagka-

matuud ginpamatud-an pinaagi sa pangdamoan sang Hebreo nga pulong (*mewet*), ginbadbad “mga kamatayon,” sa Daan nga Katipan.

Kag Siya [Dios nga Amay] nagbutang sa lya [kay Kristo] lulubngan upod sa malauton [sa duha ka mga kawatan], kag upod sa manggaranon sa lya mga kamatayon [espirituhanon kag lawasnon]. (Isaias 53:9, ginhusto nga pagbadbad)

Ang aton Ginoo ara didto sa krus sa sulud sang anum ka oras nga kon bulubantaon mga alas nuwebe sa aga tubtub sa mga alas tres a hapon. Samtang nagabatas Siya sing sobra kaayo nga lawasnong pagmaltrato sa wala pa kag sa mismong tion didto sa krus (Mateo 26:67; 27:26–35; Marcos 14:65; 15:15–24; Lucas 22:63–64; 23:11; Juan 18:12, 22; 19:1–18), buhi pa Siya sa lawas sa sulud sang intero nga panahon. Apang bisan pa sina, ang tatlo-ka oras nga kalawigon halin sa alas dose sa kaudtohon tubtub sa alas tres sa hapon amo ang panahon sang lya espirituhanong kamatayon sang ang mga sala sang intero kalibutan ginbubu sa lya kag ginhukman.

Kay si Kristo napatay man tungud sang mga sala sang makaisa gid lang, *ang* matarong tungud *sang* dimatarong, agud nga madala Niya kita sa Dios. (1 Pedro 3:18a)

Sang nagsinggit si Jesu-Kristo sang (*tetelestai*), “Natapos na!” (Juan 19:30a), si Jesu-Kristo nagbayad sang silot tungud sang aton mga sala. Ang lya paghalili nga espirituhanong kamatayon didto sa krus, ang pagkahamulag

sang lya walay kasarang magpakasala nga pagkatawo sa Dios nga Amay, amo ang nangin presyo sang aton dako kaayong-kaluwasan (Mateo 27:46).¹⁸

Sa apat ka manunulat sang Ebanghelyo nga nagsugid sa aton sang lya ulihing mga tion diri sa kalibutan, si Lucas lamang nga nakasulat sing nagakaigo para sa aton agud makilala ang bug-os nga dalanon nga ginkutlo ni Kristo sa Mga Salmo.

Sa Imo kamut ginatugyan ko ang akon espiritu;
Ikaw ang nagtubus [nagpalingkawas] sa akon,
O GINOO, ang Dios sang kamatuuran [doktrina].

Salmo 31:5)

Ini nga pahayag amo ang may masyado nga importansa sa imo subong isa ka tumuluo sa kay Ginoong Jesu-Kristo, kay nagabutyag ini sang basihanhan para sa kaku-sog ni Jesu-Kristo sa bug-os Niya nga pinasahi kag dihamak nga pag-antos didto sa krus—sa sining lawasnon kag espirituhanon. Ang “doktrina” amo ang ulihing pulong ni Jesus nga ginsambit sa panahon sang Unang Pagkari. Ang sa sulud nga kakusog sang doktrina sang Bibliya nga nagapuyo sa kalag sang aton Ginoong Jesu-Kristo nga nagsakdag sa lya sa sulud sang trentay-tres ka tuig kag samtang didto Siya sa krus amo gihapon nga sa sulud nga kakusog ang gindisenyo agud magsakdag sa imo sa sining pagkinabuhi kag pagkatagumatayon.

Subong nga nangin kinahanglanon para kay Kristo nga mag-antos sing espirituanong kamatayon agud sigurohon ang aton walay katapusan nga kaluwasan, gani nangin

18. Thieme, *Ang Dugo ni Kristo*, 41–48.

kinahanglanon man para sa iya nga mapatay sa lawas agud nga mabanhaw—nabanhaw halin sa pagkapatay upod sa indi mapatay nga tawhanong lawas, kag nahimaya didto sa tuo nga kamut sang Dios nga Amay.¹⁹ Kon wala ang pagkabanhaw, pagkayab, kag pakigtipon, kag kahimayaan ni Jesu-Kristo sa iya pagkabanhaw sa presensya sang Dios nga amay, ang aton pagtoo sa kay Kristo mangin walay pulus (1 Mga Taga-Corinto 15:12–17). Ang pagkabanhaw nagapakita nga si Kristo may gahum labaw sa kamatayon; tungud kay Siya nagakinabuhi, kita man magakinabuhi (Lucas 20:38). Ang pagkabanhaw ni Jesu-Kristo nagahatag sa aton sing hingpit nga pagsalig sa palaabuton (1 Pedro 1:3–5, 21), kag amo ang ginalinan sang dako kaayo nga katawhayan kon mag-atubang na kita sa kamatayon.

Sang ang nabanhaw nga si Kristo nagkayab na didto sa langit, Siya maglingkod didto sa tuo nga kamut sang Dios nga Amay (Salmo 110:1; Mateo 22:44; Marcos 12:36; Lucas 20:42–43; Mga Binuhatan 2:34–35; Mga Hebreo 1:13; 10:13). Ang pakigtipon sang Ginoo, ang kahimayaan sang iya pagkatawo sa nabanhaw nga lawas, nagapakita nga ang katarungan sang Dios nga Amay bug-os nga nakontento sa pagluwas nga trabaho sang iya Anak sa aton babin (Mga Binuhatan 2:33; 5:31; Mga Taga-Filipos 2:9). Bilang sakup sang katawhan, si Ginoong Jesu-Kristo nagdaog sang kalkuladong kadaugan sa anghelon nga pagsinumpunganay; ang panghukmanan nga desisyon sang Dios nga Amay batok sa kay Satanas kag ang nagpakasala nga mga ang-

19. Ang indi mapatay nga nabanhaw nga lawas sang aton Ginoo nangin makilala sang iya mga gintoton-an kag sang iban nga kon kay sin-o Siya nagpakita diri sa kalibutan sang wala pa Siya nagkayab sa langit (Mateo 28:9, 17; Marcos 16:9–14; Lucas 24:15–46; Juan 20:14—21:14).

hel ginpakita nga nangin bug-os nga patas.

Dugang pa, ang kahimayaan ni Kristo bilang ang Hari sang mga hari kag Ginoo sang mga ginoo (Bugna 19:16) nagkinahanglan sing pagtawag sang Dios nga Amay sing bag-o, espirituhanon, nga harianong pamilya kag sang pagsugod sang isa ka bag-ong pagdumala, ang Panahon sang Simbahan.²⁰ Si Kristo amo ang “unang mga bunga” kag subong ang harianong pamilya sa Panahon sang Simbahan, kita ang sunud nga nakapila sa linya nga pagabanhawon sa Pagsabnit sang Simbahan (1 Mga Taga-Corinto 15:23).²¹ Naglingkod sa tuo nga kamut sang Amay, si Kristo nagapadayon sang lya buluhaton sing pag-pangalagad bilang ang aton Punong Pari, “pirmi gid buhi agud maghimo sang pagpatunga sa ila [harianong pamilya] bahin” (Mga Hebreo 7:25b, ginhusto nga pagbadbad).

Ang doktrina sang Bibliya amo ang panublion sang harianong pamilya, subong man ang ginalinan sang kapasidad para sa tagsa ka pakamaayo sa sining tinion kag sa eternidad. Ang Pulong sang Dios nga nagapuyo sa imo kalag subong ang imo numero unong ulunahon nga

20. Ang pagdumala amo ang kapanahonan sang kasaysayan sang tawo nga ginpaathag suno sa divine nga pagbutyag nga nagapahinumdum sang nagabuklad nga plano sang Dios para sa katawan (Mga Taga-Roma 16:25) kag nagpundar sing teyolohiyanhong pagpakahulugan sang divine nga palanan-awon sang kasaysayan (Mga Taga-Efeso 2:7). Ang Panahon sang Simbahan amo ang sa karon nga pagdumala nga nagsugod sa adlaw sang Pentekostes, singkuwenta ka adlaw pagkatapos sang paglansang kay Kristo sa krus (Mga Binuhatan 2:1), kag matapos sa Pagkabanhaw ukon Pagsabnit sang Simbahan (Mga Taga-Roma 16:25; Mga Taga-Efeso 1:10; 2:1, 5, 8–9; Mga Taga-Colosas 1:25–26). Tan-awa ang Thieme, *Ang Divine nga Paglarawan sang Kasaysayan: Mga Pagdumala kag ang Simbahan* (2021), 5, 105–13.

21. Ang Pagsabnit sang Simbahan amo ang pagkabanhaw sang tanang mga tumuluo sa Panahon sang Simbahan halin sa kalibutan, buhi kag patay, agud magsugata sa Ginoo didto sa kahanginan kag amo ang pagkatapos sang Panahon sang Simbahan. Ang pagsabnit sang Simbahan malapit na lang gid; walay bisan isa nga nakahibalo sang adlaw ukon oras (Mateo 24:26; Marcos 13:32; Mga Binuhatan 1:7). Tan-awa ang mga pahina 63–64.

nagagarantiya nga ikaw magapakig-ambit sa mataas nga kadaugan sang bug-os nga kasaysayan. Tungud sang espirituhanon kag lawasnong mga kamatayon sang aton Ginoo kag sang lya nagsunud nga pagkabanhaw, pagkayab, kag pakigtipon subong ang Mananaog sa anghelon nga pagsinumpunganay, ang Dios nga Amay naghatag sa kay Kristo sang mga kamanggaran sang bug-os kalibutan nga niyan lya ipanagttag sa mga tumuluo.

Gani [tungud kay ginpakontento ni Kristo ang katarungan sang Amay pinaagi sa pagbayad sang silot tungud sang aton mga sala didto sa krus], tigan-an Ko Siya [Jesu-Kristo] sang bahin [ang mga gin-imbargo sa kadaugan] upod sa madungganon [mga tumuluo],
 Kag bahinbahinon Niya ang bililhong inagaw upod sa makusog [hamtong nga mga tumuluo];
 Tungud nga gin-ula Niya ang lya kaugalingon kutub sa kamatayon [lawasnong],
 Kag ginkabig upod sa mga malapason;
 Apang Siya mismo ang lya kaugalingon nagpas-an sang sala sing madamo,
 Kag nagpatunga sa mga malapason [paghalili sa espirituhanong kamatayon]. (Isaias 53:12)

Bilang kabahin sang mga gin-imbargo sa kadaugan, ang mga balaan sang Daan nga Katipan ginsaylo halin sa Paraiso, ukon sa Sabak ni Abraham, didto sa ikatatto nga langit paagi sa madinalag-on nga prosisyon upod kay

Jesu-Kristo.²² Apang bisan pa sina, ang pinakadako nga pagpanagtag sang mga gin-imbargo iya para sa harianong pamilya (Mga Taga-Filipos 4:19). Ang “makusog” nga tumuluo lamang amo ang nagapahimulos sing panublion nga doktrina sang aton Ginoo nga ginpatalupangud gid sa iya kinatapusan nga ginhawa didto sa krus ang may kapasidad sa iya kalag agud magbaton sing kinataasan nga pakamaayo sa tion sing pagkatagumatayon. Kon ang kinabuhi sang tumuluo amo ang doktrina, ang kabahin sing inimbargo sa kadaugan nagahimo sang iya kamatayon nga grasya para sa tagumatayon.

Ang Paglaragway ni Job nahanungud sang Grasya para sa Tagumatayon

Isa sa labing masangkaron nga paglaragway sang mga pakamaayo para sa tagumatayon dira sa Bibliya makit-an sa Job 5. Apang bisan pa sina, si Job nagasugod sang iya mga komento nahanungud sang grasya para sa tagumatayon pinaagi sa pagpahinumdum sa aton nga tubtub sa tion nga ang Dios nagadesisyon nga kita papulion, wala gid sing makapahalin sa aton sa sini nga kinabuhi. Ang Dios may sistema sing pagpalingkawas nga perpekto.

Luwason ka [hamtong nga tumuluo] Niya sa
anum ka [mga kategorya sang] mga kalis-
danan,
Bisan sa pito [mga kategorya sang kalisdanan]

22. Ang Paraiso amo ang kuwarto sang Hades sa diin ang tanang mga tumuluo sang Daan nga Katipan nagpuyo sa tapos mapatay (Lucas 23:39–43) tubtub nasaylo sila didto sa langit sa tapos sing pagkabanhaw, pagkayab, kag pakigtipon ni Kristo (Mga Taga-Efeso 4:8–10). Tan-awa ang Thieme, *Pagpahayag sang Kadaugan*, 33–35.

ang malaut indi makatandog sa imo.” (Job 5:19)

Apat ka mga halimbawa sing kalisdanan ang ginhatac dira sa Job 5:20–21, pagkaiwat sing palangabuhian, kapahamakan sa katilingban, pagkapiyerde sang militar, kag pagkatagumatayon.

“Sa tiggulutum [pagkaiwat sing palangabuhian]
 tubson ka Niya sa kamatayon,
 Kag sa gira sa gahum sang espada.
 Pagalipdan ka sa bunal sang dila [pagpakahuya
 kag kutso-kutso],
 Kag indi ka mahadlok sa pagpamintas kon mag-abot ini.” (Job 5:20–21)

Ang Dios makapalingkawas sang tumulo sa bisan anong disgrasya ukon kapahamakan sa kinabuhi; walay dako pa kaayo sa plano sang Dios.

Dugang pa, pinaagi sa sulud nga kakusog sing doktrina sang Bibliya sa iya kalag ang tumulo puwede makapatawhay sing bug-os sa bisan anong delikado nga palibot tungud kay nakahibalo siya nga ang Ginoo Mismo ang lya kaugalingon nagtigana sa iya sing tamang tinion nga mapatay, kag niyan tubtub nga, walay makapahalin sa iya sa sini nga kinabuhi.

“Magakadlaw ka [ang matawhay nga pang-hunahuna sa sulud nga kakusog sing naga-puyos nga doktrina kag kapasidad para sa pagkinabuhi] sa pagpamintas kag tiggulutum.
 Kag indi ka mahadlok sa ilahas nga mga

sapat [sang bisan anong ginalinan sang makapatay nga kapahamakan, lakip ang mga salakyan kag mga eroplano karon nga panahon].

Kay manginkadampig ka sang mga bato sang wayang [sinauna nga mga armas sing kalaglagan nga katumbas karon sa mga pusil, awtomatik nga mga bomba, kontinente balistik nga mga mesayl, kag iban pa];

Kag ang kasapatan sang latagon [mapintas nga mga sapat nga makapatay sang tawo magapakigdait sa imo.” (Job 5:22–23)

Kon ang gingahin sang Dios nga tinion mag-abot, walay gahum sa langit ukon diri sa kalibutan, wala bisan ang pinakamaayong mga paninguha sang medisinang syensya ukon sang proteksyon nga abilidad sang anghelon nga ginsakupan, ang makapabilin sa tumuluo nga buhi. Ang katalagman indi makapabalaka sa hamtong nga tumuluo tungud kay nahanas siya sa grasya; nagasabat siya sa divine nga kapagsik sang grasya halin sa doktrina nga nagapuyo sa iya kalag. Siya nagatan-aw sa unahan sang grasya para sa tagumatayon kag sa indi maisip, walay katapusan nga mga padya kag mga pakamaayo nga nakareserba kag nakadeposito para sa iya.

“Kag mahibal-an mo [pinaagi sa doktrina nga nagapuyo sa kalag] nga ang imo tolda [tawhanong lawas] nakasiguro [bug-os nga nakatalupangud sing kon ano ang nagakatabo, kag nagapaabot sang maayong kamatayon],

Kay duawon mo ang imo puluy-an [langit] kag

indi mahadlok sang pagkadula [sang walay katapusan nga padya kag pakamaayo].”
(Job 5:24)

Ang hamtong nga tumuluo nakahibalo nga sa idalum sang grasya para sa tagumatayon may kasarang siya sa pagbalikid sa iya kinabuhi nga may bug-os nga kalinong, kay indi siya magakasubo nahanungud sa iya pamilya kag mga hinigugma nga nabilin.

“Mahibal-an mo man nga ang imo mga kaliwan magmadamo,
Kag ang imo kaanakan subong sa hilamon sang Kalibutan.” (Job 5:25)

Ini wala nagakahuligan nga mangin madamo ang imo mga kabataan, kondi nga ang katawhan magapadayon sa pagkinabuhi kon wala ka na. Ini nagabutang sang imo kamatayon sa husto nga panan-aw dira sa kaangtanan sa Ginoo kag sa anghelon nga pagsinumpunganay. Sa pagkahibalo sini samtang ara ka sa pagkatagumatayon nagakahuligan nga maangayon nga malantaw mo yadtong mabilin.

Sa makaisa nga nagasugod ka na mapatay, lain ka na sa imo mga abyans. Sila maayo kag ara sa maayong panglawas. Nagapakadto ka na sa bag-ong ginsakupan kag ini mabudlay para sa ila nga pagaisipon kon ano ang nagakatabo sa imo. Bisan kon daw sa ano kadamo nga mga tawo ayhan ang ara sa kilid sang imo hiligdaan samtang tagumatayon ka, indi sila makaupod sa imo. Apang bisan pa sina, may *ara sing* Isa ka Tawo nga nagaupod sa tumuluo tubtub sa kada bahin sang pagkatagumatayon kag Siya lamang ang Isa nga makahimo—si Ginoog Jesu-Kristo!

Ang tumuluo nga ara sa grasya para sa tagumatayon makabulig sang nagakinabuhi sa pagpadayon sing pagkinabuhi. Makabulig siya sa iya mga hinigugma sa pagpauyon sa iya pagbiya. Ang iya kalig-on kag matawhay nga panghunahuna nagabulig sa iban nga magpatawhay kag ibutang ang kamatayon sa husto nga panan-aw sini. Ang iya espirituhanong pagkahamtong nagahatag kasarang sa iya agud lipayon yadtong kinahanglan mabilin sa anghelon nga pagsinumpunganay samtang siya nagaabante sa ka-himtangan nga bug-os kag walay katapusan nga kalipay—ang duug sang “wala na sing kasubo, wala na sing mga pagluha, wala na sing kamatayon” (Bugna 21:4, ginhusto nga pagbadbad).

Ang panyempo sang Dios para sa imo kamatayon perpekto, kag kabahin sang grasya para sa tagumatayon amo ang mapatay sa tama nga tinion.

Magakadto ka sa imo lulubngan sa bug-os nga
panuigon,
Kaangay sang binugkos nga mais nga gina-
pasulud sa iya panag-on. (Job 5:26, KJV)

May tama nga tinion kag sayup nga tinion sa pagsangi sang mais; ang ekspiyerto lamang ang makasiling kon bala ang binugkos sang mais berde ukon laya na. Sa amo man, sa divine nga blueprint para sa imo kinabuhi, ang Dios amo ang Ekspiyerto. Ang Dios ang nagapili sang punto sing tinion sa diin anihon ka sa sini nga kinabuhi agud nga subong isa ka hamtong nga tumuluo nga may doktrina nga nagapuyo sa imo kalag, ang imo kamatayon amo ang pinakadako nga pakamaayo diri sa kalibutan. Kon magbiya ka, ayhan magkasubo kami, apang nagakalipay man kami sa kadaugan sang imo pagtabok halin sa grasya para sa

tagumatayon sa sini nga tinion pakadto sa mga pakamaayo sang eternidad.

Sa konklusyon, ang Job 5 nagapatalupangud sang importansa sa paghibalo sang Pulong sang Dios, ang kinahanglanon sa paghulum sang imo kalag sa doktrina sang Bibliya.

Yari tan-awa ini [ang doktrina nahanungud sang grasya para sa tagumatayon], nausisa namon ini,
 Gani amo ini,
 Pamatii ini, kag hibaloa ini para sa imo kaayohan. (Job 5:27, KJV)

ANG KAMATAYON DESISYON SANG DIOS

Ang pagkatagumatayon kag ang kamatayon sang kada tumuluo isa ka grasya nga desisyon sang pagkalabaw nga kagamhanan sang Dios suno sa pagkamangin-alamon sang Dios kag sang lya pagkamatinud-anon. Gani, wala kita sing katungud nga magrekamo sa kamatayon ni bisan sin-o. Ang Dios hingpit nga pagkamatarong kag posible nga indi gid makahimo sang sayup. Ang Dios perpetkong katarungan kag indi gid mangin dipatas. Ang pagkaara bisan din kag ang pagkahibalo sang tanan sang Dios amo gid ang direkta nga Sakhi nga nakahibalo sang tanang mga pagkamatuud agud mapat-ud ang tama nga tinion kag ang tama nga pamaagi agud pahalinon ang kada isa sa aton (Salmo 31:15).

Dira sa Manugwali 3:1–2, si Solomon nagasiling, “May tama nga tinion para sa kada butang. May tinion para sa

kada kahitaboan sa kinabuhi. May tinion agud matawo kag may tinion agud mapatay" (ginhusto nga pagbadbad). Ang panyempo sang Dios perpekto, kag ang kamatayon pirmi gid kadaugan sang Dios. Siya ang nagadesisyon sang tinion, sang pamaagi, kag sang duug sang aton kamatayon kag nagahatag Siya sang kadaugan sa aton. "Kay indi lamang kon kita nagakinabuhi, nagakinabuhi kita para sa Ginoo, kondi man nga kon kita mapatay, mapatay kita para sa Ginoo" (Mga Taga-Roma 14:8, ginhusto nga pagbadbad). Iya kita sang Ginoo bisan kon kita nagakinabuhi ukon bisan kon mapatay.

Dugang pa, ang Ginoo wala nagapapuli sang kada tumuluo sa parepareho nga pamaagi. Si Solomon nagsiling sa aton nga ang kada adlaw nga aton ginakinabuhi amo ang isa pa gid ka tikang padulong sa aton kaugalingong partikular nga klase sang kamatayon.

Kay ang tawo nagakadto sa iya walay katapusan nga puluy-an samtang ang mga manuglalaw nagalagaw sa dalan. *Hinumdumi Siya* sang wala pa mabugto ang lubid nga pilak kag mabuka ang bulawanong yahong, ang pitsil sa bubon mawasak kag ang higot sang timba mabugto. (Manugwali 12:5b–6)

Kon kita natawo liwat sa Panahon sang Simbahan, natawo kita sa pagkaharianon, kag walay upod nga kutsarang pilak sa aton mga baba, kondi upod sa aton mga kinabuhi nga walay kapat-uran sa 'hilo nga pilak.' Bisan sa nakapribilehiyong pagka-aristokrasya, ang Dios ang nagakontrol sa kalawigon sang aton mga adlaw. Ang mabinalaybay nga paglaragway ni Solomon sang kamatayon nagapahinumdum sa aton nga subong ang tempo

sang binalaybay perpekto, gani ang Dios naggahin sa kada isa sa aton sang kamatayon nga perpektong nagakaigo sa aton. Ang “bulawanong yahong” sini nga bersikulo amo ang suludlan sang lana nga may pabilo nga nagakuha sang lana pakadto sa ibabaw sa diin ang kalayo nagahatg sing kasanag, nga nagalarawan sang kinabuhi. Ang lana nagarepresenta sang mga katungdanan kag mga paggahin sa kalawigon sang imo kinabuhi; ang kombinasyon sang lana, pabilo, kag kalayo nagarepresenta sang kapagsik sang kinabuhi. Ining sinauna nga tipo sang suga amo ang laragway sing kalawigon sang imo kinabuhi; ang pag-konsumo sang lana sini mapaaanggid sa imo kamatayon. Ang imo suga puwedeng makahimo sang mahinay nga pagtulo ukon ang yahong may litik, apang sa bisan anong pamaagi, ang kalayo sa kadugayan mapalong.

Agud mahangpan ang ulihing duha ka mga ilustrasyon ni Solomon, kinahanglan aton binagbinagon nga sa sinauunang kalibutan may ara duha ka mga palaligban nga puwede makapugong sa imo sa pagkuha sang tubig sa bubon: ang bakyas nga pitsil nagabunggo-bunggo sa kilid sang bubon, ukon isa ka indi maayong pangmakina nga sistema sa pagtiyog sing ruweda. Ang ruweda nagarepresenta sing matuud nga maskulo sang tagiposoon, samtang ang linya kag ang pitsil nagalarawan sang sirkulasyon sang dugo. Ining duha ka mga ilustrasyon nagalaragway sang duha ka kabilogang mga kategorya sang kamatayon tungud sang problema sa tagiposoon: Ang pagkawasak sang pitsil nagapakita sing pagkaawat sang dakong ugat nga nagaguba sing kabaskugon kag sirkulasyon sang dugo; ang ang pangmakina nga kapaslawan sang ruweda nagakahulugan sing pagbagsak sang mis-mong tagiposoon. Sa lain mga pamulong, ang nawasak nga pitsil mapaaanggid sa kamatayon pinaagi sa walay untat

nga pagdugo, samtang ang naguba nga ruweda sa bubon nagalaragway sang kamatayon pinaagi sa pag-ataki sa tagiposoon.

Niyan ang yab-ok [ang lawas] magabalik sa duta subong nga amo siya sadto, kag ang espiritu [kalag kag espiritu] magabalik sa Dios nga naghatac sini. (Manugwali 12:7)

Kon ang tawo mapatay, ang matuud nga tawo, ang klag, indi mag-okupar sang lawas; ini simple nga mangin bakante nga balay. Ang wala ginpuyan nga lawas nagakadunot kag mahimong mga kemikal kag nagabalik sa duta ukon sa gas sang kahanginan (Genesis 3:19b). Gani, kon ano ang matabo sa bangkay indi na importante. Ang may halandumon nga pagserbisyo agud madumduman ang hinigugma maayo gid kaayo, apang wala ini sing di-rensya bisan kon ang lawas ginsunog ukon ginbayaan sa wayang girahan ukon ginhaboy sa kanal. Ang gina-kinahanglan naton dumdumon amo nga pagkatapos sang kamatayon sang isa ka tumuluo, ang iya kalag kag espiritu magbalik kay Ginoong Jesu-Kristo (1 Mga Taga-Tesalonica 5:23).

Bisan pa nga ang Dios pirmi gid nakahibalo kon kasan-o mapatay ang kada isa sa aton, wala sing bisan isa sa aton ang nakahibalo kon kasan-o ang mamalatyon magahatag sing alagyan pakadto sa dimamalatyon. Ang kinabuhi nabitay sa mapino nga hilo nga puwede mabugto sa bisan anong tion. Ang aton lawasnong kondisyon indi amo ang harambalon; Ang Dios puwede magkuha sa aton subong kadali sa maayong panglawas subong man sa dimaayong panglawas. Indi man sa edad ang basihanhan para sa tama nga tinion agud mapatay. Sanglit nga ang paghukum sang

Dios perpekto, mapasipalaon ang magsugyot nga nangin trahedyang kamatayon sang tumuluo tungud kay napatay siya nga bata pa. Matuud man nga ang Dios kon kaisa nagakuha sang hamtong nga Kristohanon sa mismong kinaputokputokan sang iya espirituhanong kinabuhi. Sam-tang natural lang para sa yadtong binayaan ang magpangasubo, indi sila dapat magkasubo sa dipagbaton sang divine nga palananawon “subong sang iban nga nawad-an sing paglaum” (1 Mga Taga-Tesalonica 4:13b), kay may ara sang pat-ud nga mga pagkaparepareho nga nagapakilala sa tanang mga tumuluo pagkatapos sang kamatayon walay sapayan kon paano ukon kon san-o sila mapatay.

1. Walay pagtalana sa paghukum (Mga Taga-Roma 8:1a; Mga Hebreo 9:27–28).
2. Mag-atubangay upod sa Ginoo (2 Mga Taga-Corinto 5:8).
3. Wala na sang kasubo, kasakit, mga pagluha, kamatayon, mga paghinayang ukon kahuluy-an (Bugna 21:4).
4. Ang walay katapanan nga panublion (1 Pedro 1:4–5).
5. Ang bag-ong puluy-an (Juan 14:1–6).
6. Ang pagpadayon sang kinabuhi nga walay katapanan (Juan 10:28; 1 Juan 5:11–12).
7. Ang temporaryo kag nabanhaw nga lawas (Job 19:25–26; Juan 11:25; 1 Mga Taga-Corinto 15:51–57; Mga Taga-Filipos 3:21; 1 Juan 3:1–2).
8. Ang pagkakuha sang makasasala nga kinaiya (1 Mga Taga-Corinto 1:8; 15:55–57; Mga Taga-Filipos 3:20–21; 1 Mga Taga-Tesalonica 5:23).
9. Pagkakuha sang tawhanong kaayo kag kalautan

(1 Mga Taga-Corinto 3:11–15; 2 Mga Taga-Corinto 5:10).²³

Indi man ang imo kamatayon kag indi man ang kamatayon sang imo hinigugma ang dapat mangin ginhalinan sang kasubo ukon pagkawalay paglaum; ang kamatayon dapat indi gid mangin harambalon. Ang imo lamang dapat kabalak-an amo ang preparasyon para sa kamatayon, kag ang preparasyon para sa kamatayon kapareho subong sang sa kinabuhi: ang doktrina sang Bibliya nga nagapuyo sa imo kalag. Ang doktrina nagahatag sa imo sang matawhay nga panghunahuna nahanungud sang possible matabo nga mga sitwasyon sa kamatayon. Sang nahangpan mo ang grasya para sa tagumatayon, ang imo paminsaron nahanungud sa kamatayon estriktong nakasentro sa pag-aplikar sang imo ihibalo nahanungud sa perpektong karakter sang Dios.

Ang tumuluo makausisa sang iya kaugalingong espirituhanong pagprogreso pinaagi sa iya panghunahuna nahangud sa kamatayon, kag ang iya panghunahuna may ara sing mabaskog nga impluwensya sa iya kapasidad para sa pagkinabuhi. Ang isa sa mga yabi pakadto sa kalinong

23. Ang tawhanong kaayo kag ang kalautan amo ang duha ka mga aspeto sang palisiya ni Satanas bilang ang manugdumala sa sini nga kalibutan kag unang napresentsa sa tawo, upod sa mabaskog nga pahinumdum halin sa Dios, sa porma sang kahoy sang ihibalo nahanungud sang maayo kag kalautan nga makit-an sa kinatung-an sang Hardin. Ang tanang tawhanong kaayo nahimo pinaagi sa gahum sang “unud”; ina amo ang, nag-umpisa ini halin sa makasasala nga kinaiya. Gani, ang tawhanong kaayo indi makasugata sa mga talaksan sang Dios, walay espirituhanon ukon walay katapusang bili, kag walay padya sa langit (1 Mga Taga-Corinto 3:11–15). Ginsuportahan ni Satanas, ang tawhanong-kaayo nagapaninguha sa pagtabontabon sing kalibutan sang yawa nga indi malikawan nga may malaut nga mga resulta. Gani, ang tawhanong kaayo indi gid makatuman sang kon ano ang ginapangita sini nga tumanon, indi gid makapauswag sang bisan anong butang, kag walay permanente nga mga kasulbaran para sa mga palaligban sang katawhan (Deuteronomio 15:11; cf., Mateo 26:11; Marcos 14:7; Juan 12:8). Tan-awa ang Thieme, *Ang Balabag*, 30–31; *Ang Plano sang Dios*, 16–18.

sa kinabuhi indi ang pagkahadlok sa kamatayon. Ang pagkahadlok sa kamatayon nagapahimo sang pagkawalay kalig-on: "Ang mga talawan mapatay sa madamong mga higayon sang wala pa ang ila kamatayon; ang maisog indi gid makatilaw sang kamatayon kondi sa makaisa lamang."²⁴ Ang hamtong nga tumuluo nagakinabuhi sang iya kinabuhi suno sa ihibalo nahanungud sa eternidad, sa kada adlaw, bug-os nga nagpauyon sa Persona kag plano sang Dios, nakapreparar kag matinguhaon sa bisan kon ano ang matanyag sang kinabuhi (Salmo 118:23–24).

Kon ano ang imo himoon sa pagkatagumatayon naga-pakita ini sang kakusog sang imo kinabuhi. Kon nahnuyang mo ang imo bug-os nga kinabuhi sa amat-amat nga pagtipon sang doktrina kag nagaabante sa espirituhanong pagkahamtong, makaangkon ka sang mahimayaon nga kamatayon. Apang bisan pa sina, kon ginsikway kag ginbale-wala mo ang doktrina sang Bibliya, ang Dios sa lya katarungan nagatugot sang imo kaugalingong-sugyot nga pagpangalisud sa kinabuhi nga makita ang kaugalingon sini sa makakulugmat nga kamatayon. Gani, sanglit nga ang Dios nakakita sing nagakaigo agud himoon ang pagkatagumatayon nga paglaragway sang pagkinabuhi, ang imo panghunahuna nahanungud sang kamatayon nagatilaw sang kalidad sang imo panghunahuna nahanungud sa kinabuhi.

ANG KADA TUMULUO MAY PILIAN

Kon ano ka maayo ka mapatay ukon kon ano ka miserable ka mapatay nagadepende lamang sa isa ka ka-

24. Ginbadbad halin sa Shakespeare, *Julius Caesar*, act 2, scene 2, lines 32–33.

bangdanan: kon positibo ka ukon negatibo nahanungud sa doktrina sang Bibliya. Subong nga may pilian ka kon bala magtoo ukon indi magtoo sa kay Jesu-Kristo para sa imo walay katapusan nga kaluwasan, gani ang Dios naghanay sang isa pa gid nga harambalon sa anghelon nga pagsinumpunganay tungud sang imo hilway nga pagbuut. Sa kaluwasan, ang natungdan sang imo nangin-ditakus nga pagtoo amo si Jesu-Kristo, ang buhi nga Pulong; pagkatapos sa kaluwasan, ang natungdan sang imo pagtoo kinahanglan mangin si Jesu-Kristo, ang nasulat na nga Pulong.

May pilian ka sa tunga sang duha ka magkalain nga mga dalan sang imo Kristohanong pagkinabuhi. Ang imo panghunahuna nahanungud sa doktrina kada adlaw sang imo kinabuhi nagapat-ud sang paghimalaut ukon pakamaayo sa kinabuhi kag kasakit ukon pagkakontento sa pagkatagumatayon. Kon magpauyon ka sa katarungan sang Dios pinaagi sa pagtoon kag paggamit sang pag-sangkap sa grasya sang lya Pulong, niyan magabiyahe ka pasaka sa dalan sang himaya pakadto sa grasya para sa tagumatayon. Apang kon mapaslawan ka sa pagpauyon sa katarungan sang Dios pinaagi sa pagpabaya ukon sa pagsikway sang lya Pulong, niyan masandad ka sa dalan sang paghimalaut, disiplina, kag sang kaugalingong-sugyot nga kalisdanan nga nagaresulta sa pagpaketala tubtub sa kamatayon.²⁵ Ikaw kag ikaw lamang ang magpili sining masakit nga pirilian pakadto sa mga himaya sang grasya para sa tagumatayon. Ikaw gid lang ang nagasiling “indi” sa paglakat patabok sa mataas nga bulawanong taytayan sang grasya para sa tagumatayon kag “huo” sa isa ka makalolooy, miserable nga pagkamang pakadto sa langit.

25. Tan-awa ang mga pahina 40–42.

Ang Kamatayon sang Rebersiyonistang Tumulo

Subong isa ka tumulo ni Ginoong Jesu-Kristo, kon negatibo ka nahanungud sa Pulong sang Dios, bisan kon indi interesado ukon mabatukon, ara ka sa pila ka bahin sang rebersiyonismo. Mapaanggid sa pagtalikod sa tinoohan, ang rebersiyonismo amo ang pagbalik sa nagligad nga kahimtangan sang tumulo halin sa bisan anong bahin sang espirituhanong pagtubo pakadto sa pamaagi sang pagkinabuhi sang ditumulo (2 Pedro 2:20–21).²⁶ Sa rebersiyonismo, nga ginpakilala paagi sa padayon nga pagkaunudnon kag ang padayon nga pagbale-wala ukon pag-sikway sing doktrina sang Bibliya, nagahimo ka para sa imo kaugalingon sing kinabuhi sa kalisdanan (Oseas 8:7).²⁷ Ining kaugalingong-sugyot nga kalisdanan natingub paagi sa divine nga disiplina. Ginpabug-at mo pa gid ang imo disiplina sa dugang pa nga kaugalingong-sugyot nga kalisdanan pinaagi sa mga sala sa panghunahuna nga aligutgut, pagkakubus, pagkamabaluson, pagkadimapakalma, kaimon, pagkalooysa kaugalingon, kag pagkamatastaason. Tubtub nga magbaylo ang hunahuna nahanungud sa doktrina sang Bibliya kag magsugod sa pagbawi sang imo espirituhanong pagtubo, magapabilin ka sa idalum sang divine nga disiplina sa bug-os mo nga kinabuhi.

Walay tumulo ang makalapas sa matarong nga mga talaksan sang Dios ukon makasikway sang iya matahum kaayo nga pagsangkap sing doktrina sang Bibliya nga may kahilwayan sa silot. Ang Dios nagahigugma sang

26. Thieme, *Rebersiyonismo*.

27. Ang padayon nga pagkaunudnon amo ang resulta sang kapaslawan sang tumulo sa pagtuad sang iya mga sala kag sa pagbawi sang pagpakig-upod sa Dios.

Iya pagkamatinud-anon kag sang iya matarong nga mga talaksan nga nagakinahanglan nga ang iya katarungan nagapatuman sang silot. Dugang pa, ang kada tumuluo amo ang natungdan sang kinaugalingong gugma sang Dios. “Yadtong Akon ginahigugma, ginasaway Ko kag ginadisiplina; gani magmahimulaton, kag maghinulsol [magbaylo sang imo paminsaron kag magpanumbalik]” (Bugna 3:19). Ang divine nga disiplina amo ang suma total sang masiluton nga aksyon nga gingamit sang katarungan sang Dios agud tadlungen, silotan, padasigon, hanason, kag engganyohon ang tumuluo. Ang divine nga disiplina gindisenyo agud pahinumduman ang tumuluo nga magpanumbalik kag magbalik sa pagpakig-upod sa Dios.

Ang divine nga disiplina ginkilala sa tatlo ka mga babin. Ang “yari karon, nagatindog Ako sa ganhaan kag nagapanuktok. Kon ang bisan sin-on ang tawo ang magabukas magasulud Ako kag magpakig-upod sa iya” (Bugna 3:20, ginhusto nga pagbadbad) amo ang ginpatumod sa rebersiyonistang tumuluo. Ang pagpanuktok amo ang pagpahinumdum nga disiplina, ang unang babin. Ang “pagpakiupod sa iya” wala nagatumod sa kaluwasan, kondi ang kahimtangan sing espirituhanong kinabuhi sang tumuluo. Kon ang rebersiyonistang tumuluo wala nagasabat sa pagpahinumdum nga disiplina, niyan magaabot siya sa idalum sang ginpabug-at nga disiplina, ang ikaduhang babin. Kon sin-o ang ginahigugma sang Ginoo, ginakastigo Niya kag ginapanitan pinaagi sa latigo ang kada anak nga iya ginabaton” (Mga Hebreo 12:6), ginhusto nga pagbadbad). Ang ginpabug-at nga disiplina gindisenyo agud kuhaon ang pagtalupangud sang rebersiyonista agud nga likawan niya kon ano ang gintawag sa 1 Juan 5:16, “ang sala nga nagaatubang sa kamatayon” (ginhusto nga pagbadbad

sang *pros thanatos*)—ang kinatapusan nga bahin sang silot halin sa Dios.

ANG PAGPAKASALA TUBTUB SA KAMATAYON

May ara sing pagpakasala tubtub sa kamatayon. (1 Juan 5:16b, KJV)

Ang “pagpakasala tubtub sa kamatayon” ukon literal nga “ang sala nga nagaatubang sa kamatayon” (Salmo 118:17–18) wala nahimo paagi sa bisan anong partikular nga sala, kondi paagi sa padayon nga pagsikway sing tumuluo sa doktrina sang Bibliya.

Kag ang GINOO nagsiling, “Tungud kay ginbayaan nila ang Akon kasugoan [doktrina sang Bibliya] nga ginpahamtang Ko sa atubangan nila, kag wala magtuman sa Akon tingog ukon nagginawi suno sini [doktrina], kondi naggi-nawi suno sa pagkabatinggilan sang ila tagipo-soon.” (Jeremias 9:13–14a)

Ang Dios makadumala sang pagpakasala tubtub sa kamatayon subong sa bisan diin sa estriktong kinaugalingong kapahamakan ukon subong kabahin sang pungsudnong kalamidad. Apang bisan sa diin man nga kahimtangan, ang pagpakasala tubtub sa kamatayon amo ang pagnubo sang ranggo kag kahuluy-an para sa tumuluo ni Ginoong Jesus Kristo.

Gani napatay si Saul tungud sang iya paglapas nga iya ginhimo batok sa GINOO, tungud sang pulong sang GINOO nga wala niya tumana; kag

tungud nga nagpangayo man siya sing laygay sa manugpagowa sang espiritu, nga nagahimo sing pamangkutanon *nahanungud sini*, kag wala mamangkot sa GINO [desi-sais ka tuig sa negatibong kabubut-on]. Gani ginpatay Niya siya, kag ginsaylo ang ginharian kay David nga anak ni Jesse. (1 Mga Cronica 10:13–14)

Walay kasakit ukon displina didto sa eternidad (Bugna 21:4). Ang pagpaketala tubtub sa kamatayon amo ang kinatapusang oportunidad agud ipahayag ang kinataasang pagtadlong nga disiplina para sa rebersyonistang tumuluo. Nagaagi siya sa proseso sing pagkatagumatayon nga walay mga bentaha sang grasya para sa tagumatayon tungud kay wala gid siya nakabawi sing pagpakig-upod sa Dios pinaagi sa panumbalik kag wala nagbaylo sang iya panghunahuna nahanungud sa doktrina sang Bibliya.

Kon wala ang sa sulud nga kakusog sing doktrina sang Bibliya sa iya kalag, ang rebersyonista walay kapasidad para sa mga pakamaayo nga grasya para sa tagumatayon. Nahadlok siya sa kamatayon. Nagaagi siya sa pagkatagumatayon nga bahin dira sa pinakamalain nga posibleng pagkadimakatarunganon kag sang kasakit. Ang iya kamatayon miserable, makakulugmat, makahaladlok kaayo sa kada posible nga pamaagi: isa ka bangungot sing lawasnong kasakit kag pagpaantos. Masakit ang iya lawas; ang iya kalag nagaantos samtang ginabinagbinag niya kon daw sa ano ka dako ang iya kapaslawan.

Apang bisan pa sina, ang rebersyonista ginpahalin sa sini nga kinabuhi upod ang iya bug-os nga kaluwasan. Ara gihapon sa iya ang trentay-nuwebe ka indi mabawi nga mga kahingpitana nga nagalakip sang pagkahiusa sa Persona ni Jesu-Kristo kag nagaangkon sang kinabuhi nga

walay katapusan kag sang ginpaangkon nga pagkamarong.²⁸ Sa tion nga ang rebersiyonistang tumuluo mapatay, siya “wala na sa lawas kag nagpauli sa pag-atubang sa Ginoo” (2 Mga Taga-Corinto 5:8), ginhusto nga pagbadbad). Ara na siya “sa duug sang wala na sing kasubo, wala na sing mga pagluha, wala na sing kasakit, wala na sing kamatayon; ang daan nga mga butang nagtaliwan na” (Bugna 21:4, ginhusto nga pagbadbad). Sa tion sang Pagsabnit sang Simbahan, magabaton siya sing nabanhaw nga lawas, apang indi siya makabaton sang walay katapusang mga pakamaayo kag sang mga padya para sa ikatatlong babin. Ang iya walay katapusan nga mga pakamaayo magapabilin nga nakadeposito sa walay katubtuban subong handumanan sa nadula nga oportunidad sa pag-abante sa plano sang Dios (Mga Hebreo 10:35–36). Sa bisan anong tinion sa eternidad, puwede siya magkadto sa Tipiganan sang mga Listahan kag tan-awon yadtong mga padya kag mga pakamaayo nga gindisenyo sang Dios partikular gid para sa iya sadtong nagligad nga eternidad.

28. Sa tion sang kaluwasan ang kada tumuluo nagabaton sang pagpaangkon sing kinabuhi nga walay katapusan (Juan 3:15; 10:28; 20:31; 1 Juan 5:11–12) kag sang pagpaangkon sang divine nga pagkamarong (Mga Taga-Roma 3:22; 1 Mga Taga-Corinto 1:30; 2 Mga Taga-Corinto 5:21; Mga Taga-Filipos 3:9) nga nagahimo sa iya nga mabaton didto sa Dios kag kwalipikado nga magkinabuhi upod sa iya sa walay katubtuban. Ang tanang divine nga mga pagpaangkon permanente kag indi mapanas sang bisan anong sala ukon sang kapaslawan sang tumuluo. Sa amo man sa tion sang kaluwasan, ang kada tumuluo sa Panahon sang Simbahan ginsulud sa paghiusa sa kay Kristo kag ginkilala upod sa iya sa iya kamatayon, paglubong, kag pagkabanhaw (Mga Taga-Roma 6:2, 8; 1 Mga Taga-Tesalonica 5:23). Ini nga paghiusa kinaugalingon kag walay katapusan kag nagapalingkawas sa kada tumuluo halin sa gahum ni Satanas, sala kag kamatayon (Mga Taga-Roma 6:11; Mga Taga-Efeso 6:11). Tan-awa ang Thieme, *Ang Plano sang Dios*, Dugang sa basahon.

ANG PAGPAKAMATAY SANG TUMULUO

Kon kaisa ang rebersyonistang tumuluo napaslawan gid kaayo sa iya kaugalingong-sugyot nga kalisdanan kag disiplina nga nagapaminsar siya nga ang pagpakamatay amo ang kasulbaran sang iya mga palaligban. Ini, syempre, amo ang bug-os nga pagkamataastaason kag ang dugang nga pagpakita sang iya pagsikway sa doktrina sang Bibliya. Samtang ang pagpakamatay puwede maggowa nga mangin ang paglikaw sa pagkalabaw nga kagamhanan sang Dios sa pagdesisyon sang tinion, pamaagi, kag sang duug sang kamatayon, ang kamatayon sang kada tumuluo nahibaloan na sang Dios sadto pa sang nagligad nga eternidad. Tubtub nga ang Dios magdesisyon nga tion na para sa tumuluo nga magpauli, *wala gid* sing makapahalin sa iya sa sini nga kinabuhi. Amo ini kon ngaa nga ang pagtilaw sing pagpakamatay kasami indi madinalag-on; yadtong nagdinalag-on natabo sa idalum sang matugtanon nga pagbuut sang Dios.²⁹

Ang iban nagasiling nga kon ang tumuluo magpakamatay, indi siya makakadto sa langit. Ina sayup gid kaayo nga pagtoo! Ang bisan sin-o nga nagtoo sa kay Jesu-Kristo, bisan kon paano man siya napatay, magakadto sa langit. Walay sala nga mahimo sang tumuluo, bisan pa ang

29. Sa kasaysayan sang tawo, ang pagkalabaw nga kagamhanan sang Dios kag ang hilway nga pagbuut sang tawo nagaululupod paagi sa divine nga dekrito. Ang Dios wala gid nagapilit sa kabubut-on sang tawo. Sa pagpatigayon sa katawhan, ang pagkalabaw nga pagbuut sang Dios ginsari sa tatlo ka mga kategorya: ang pagsugo nga pagbuut ukon mga handum sang Dios, nga nagalakip sang lya mga mando kag mga pagdumili; ang matugtanon nga pagbuut, sa diin nagakahulugan nga ang Dios nagatugot sa tawo nga maghimo sang mga desisyon bisan pa nga indi sila nagaugyon sa lya handum; kag ang nagapangbabaw nga pagbuut sang Dios sa diin si Jesu-Kristo ang nagakontrol sang kasaysayan agud nga paslawon ang satanismong mga estratehiya kag paabantihon ang lya plano. Tan-awa ang Thieme, *Diosnon nga Pagtuytuy* 2015, 26–31.

pagpamatay, nga makapanas sang ginhimo ni Kristo para sa iya didto sa krus.

Kay ginatalupangud ko nga bisan ang kamatayon, ukon ang kinabuhi, ukon ang mga anghel, ukon ang mga punoan, ukon mga gahum, ukon ang kataasan, ukon ang kadadalman, ukon ang bisan anong iban nga tinuga indi sarang makapahamulag sa aton sa gugma sang Dios nga ara sa kay Kristo Jesus, ang aton Ginoo. (Mga Taga-Roma 8:38–39, ginhusto nga pagbadbad)

Sa makaisa nga ang isa ka tawo nagtoo sa kay Ginoong Jesu-Kristo, ang karakter sang Dios nagagarantiya sang iya walay katapusan nga kaluwasan (Juan 10:28). Sa punto sang kamatayon, ang tumuluo nga nagpamatay magkadto sa langit. Siya, sa amo man, “nagbulag sa lawas, kag nagpauli nga nag-atubang sa Ginoo” (2 Mga Taga-Corinto 5:8, ginhusto nga pagbadbad) “sa duug sing wala na sing kasubo, wala na sing mga pagluha, wala na sing kasakit, wala na sing kamatayon, ang daan nga mga butang nagtaliwan na” (Bugna 21:4), ginhusto nga pagbadbad).

Ang Kamatayon sang Hamtong nga Tumuluo

Subong nga ang hamtong nga tumuluo nagapanghikot sang iya kinabuhi sa idalum sang pagsangkap sang Dios pinaagi sa grasya, gani nagabiya siya pinaagi sa iya pagkatagumatayon nga babin sa idalum sang grasya para sa tagumatayon. Indi lamang nga may ara siya sang sa sulud nga kakusog halin sa Pulong sang Dios, ang pa-

minsaron ni Kristo ara sa iya kalag (1 Mga Taga-Corinto 2:16), nakahibalo siya nga ang Ginoo kaupod niya (Salmo 23:4a). Dalhon niya ang doktrina nga iya naton-an sa ikaduhang bahin pakadto sa ikatatlóng bahin. Amo man nga doktrina sang Bibliya ang nagdala sa iya sa kalipay, kalinong, kag pagkakontento sa sini nga tinion sang ginpagrabe pa gid nga pagkatagumatayon. Ang punto sang pagkatagumatayon sa iya matahum kaayo nga mga tion; bisan ang pinili nga mga anghel sa langit nagasinadya sa pamaagi sang iya pagbiya.³⁰ Ang tagumatayon nga pagpamatuud sang hamtong nga tumuluo amo ang pinakadako sa tanang mga pagpamatuud ang paghimaya sa Dios sa pagkatagumatayon amo ang kinatapusang kahimayaan sang Ginoo.

BIBLIYAHONG MGA BAGANI KAG ANG GRASYA PARA SA TAGUMATAYON

Mga Tumuluo sa Daan nga Katipan

Bisan nga napatay sila sa nagkalainlain nga mga pamaagi, ang tanang mga bagani sang Daan nga Katipan nga nasambit sa Mga Hebreo 11 napatay sa idalum sang grasya para sa tagumatayon (Mga Hebreo 11:13a). Subong sang nasulat sa Daan nga Katipan, ining tanan nga mga tumuluo napaslawan indi gid pirmi kondi kon kaisa lamang, apang wala gid nila gintugotan ang ila mga kapaslawan nga magpabilin sa ila. Amo ini ang palatukuran sang

30. Ang pinili nga mga anghel amo ang mga anghel nga nagtuman sa Dios sadtong sinaunang-kasaysayan sang anghelon nga pagsinumpunganay, Tan-awa ang Thieme, *Kontra-Semitismo* (2022), 174–79.

pagpadasig: Tubtub nga buhi ka may ara sang paglaum! Walay tumuluo nga nakalambot na gid sa punto sang kinadak-an nga kapaslawan nga walay mga oportunidad sa kada adlaw nga magbaylo sang iya hunahuna nahnungud sa Bibliya, agud mamati sang pagpanudlo sang Bibliya, kag mag-abante sa espirituhanong pagkahamtong. Ang paggahin sang grasya para sa tagumatayon kag ang pagbaton sang walay katapusan nga mga pakamaayo kag mga padya mga nagadepende lamang sa imo padayon nga espirituhanong pag-abante.

Gani, sanglit nga may ara kita dako kaayo nga panganod sang mga saksi [mga bagani sang Daan nga Katipan] nga nagapalibot sa aton, bayaan ta man ang tagsa ka balabag [mga makadisturbo sa pagtoon sing doktrina sang Bibliya], kag ang sala nga mahapos kaayo makagapos sa aton, kag magdalagan kita nga may pagbatas [padayon nga pagpanghikot sang GGP] ang lumba nga ginabutang sa atubangan naton [espirituhanong pagkinabuh].
(Mga Hebreo 12:1)

Si Abraham amo ang halimbawa sang tumuluo sa Daan nga Katipan nga nakaeskperyensya sang grasya para sa tagumatayon. Si Abraham nakalambot sa kinataasan sang espirituhanong pagkahamtong pinaagi sa doktrina nga nagapuyo sa iya kalag gani nga nakatabok siya sa sinang mataas nga bulawanong taytayan sang grasya para sa tagumatayon agud gakson ang iya walay katapusan nga mga pakamaayo. Ang hanas nga pamaagi sang iya kamatayon amo ang tumalagsahong ilustrasyon sang grasya para sa tagumatayon.

Kag nabugto ang ginhawa ni Abraham kag napatay sa maayo nga katigulangon [ang madungganong tawo nga may pagkamatinud-anon], ang tigulang nga tawo kag nangin kontento *sa kinabuhi*; kag ginsimpon siya sa iya katawhan. (Genesis 25:8)

Si Abraham nagginhawa, nagbuga, kag napatay. Ang iya kalag kag espiritu nag-upod sa iya ulihing pagbuga, kag napatay siya nga walay sakit, aligutgot, walay mga paghinayang—bug-os nga “nakontento *sa kinabuhi*.”

Para sa hamtong nga tumuluo, walay matrahedya nga kamatayon. Bisan kon daw sa ano ka wala sa panahon ukon kon ano ka makahas ang mga kahitaboan. Bisan pa sa biktima sang tuyos nga pagpatay, ang grasya para sa tagumatayon nagaaplikar gihapon. Halimbawa, si Abel ginpatay sing tuyos sang iya utod nga si Cain, apang bisan pa sina may ara siya sing maayo kaayong kinabuhi nga nalikupan sang Ginoo tubtub sa sinang kinaulihan nga tion. Sa pagkamatuud, ang iya kamatayon nagpatalupangud sa gahum sang doktrina nga ara sa iya pagkinabuhi.

Pinaagi sa pagtoo [doktrina nga nagapuyo sa kalag] si Abel naghatag sa Dios sing mas maayo nga halad kay sa kay Cain, nga sa diin nakaagum siya sing pagpamatuud [nakabaton sing pag-uyon] nga siya nangin matarong, ang Dios nagapamatuud nahanungud sang iya mga dulot, kag pinaagi sa pagtoo [ining amo man nga doktrina nga nagapuyo sa iya kalag], bisan pa nga siya patay na, nagahambal gihapon siya [makasaysayang mabaskog nga implu-

wensya sa palaabutong mga henerasyon].
(Mga Hebreo 11:4)

Madamo sang mga bagani sa Daan nga Katipan ang nakapadasig sa aton sa amo man nga pagpamatuud.

Ginbato sila, gin pang-utud sang lagari, gin pang sulay sila [gintilawan pinaagi sa mga kabug-aton], gin pamatay sila sang espada. (Mga Hebreo 11:37a)

Bisan nga si Isaias gin-utud sa duha ka babin kag si Zaccarias ginbato tubtub sa kamatayon (2 Mga Cronica 24:20; Mateo 23:34–35), ini nga mga tawo may mas madamong pakamaayo kag kalipay sa pagsaylo halin sa sining tinion pakadto sa eternidad kay sa ara sa ila sa bug-os nga kinabuhi nga mga pakamaayo. Ngaa man? Tungud kay ang Dios nagdekrito sang pamaagi sang ila mga kamatayon kag ang iya perpektong katarungan naggarantiya sang pagsangkap kag pakamaayo para sa ila mga kamatayon. Ang ila pagsalig sa Ginhalinan sang pakamaayo sa pagkatagumatayon kag ihibalo sang iya pagsangkap pinaagi sa doktrina nagbulos sa tanan nga kahadlok sa kamatayon agud nga sila malikupan ni Kristo kag may dako kaayong kapasidad para sa sining pagkinabuhi kag sa grasya para sa tagumatayon.

Si Apostol Pablo

Luwas sa kay Ginoong Jesu-Kristo, nga perpekto kag pinasahi, si Apostol Pablo amo ang pinakamadungganong tawo nga nagkinabuhi sa bisan kasan-o. Ang iya maka-

dalayaw nga pagginhawa sing panghunahuna kag ang iya pagpanghangup sang mas madalum nga mga konsepto sang doktrina mga ginpahayag sa mga Sulat ni Pablo. Ang ikaduhang Timoteo may dako kaayo nga importansa sa aton harambalon nga, grasya para sa tagumatayon, tungud kay ini nga sulat nainspirado sang divine nga sinulat, ang mga pulong sang tagumatayon sang isa sa labing manginalamon nga mga hunahuna kag sang labing espirituhanong hamtong nga tumuluo sa bug-os nga panahon.

Si Pablo nagsulat sang 2 Timoteo sa panahon sang iya ikaduhang pagkabilanggo. Suno sa 2 Timoteo 2:9, si Pablo nasilotan sang wala pa ang iya husay kag ini nangin nagligad na nga konklusyon nga indi siya mapagowa sa bilanggoan. Samtang si Pablo naglingkod agud magsulat, nakahibalo na siya nga malapit na siya patyon. Bisan pa nga si Pablo nag-antos sang indi maayong panglawas halos sa iya kinabuhi, nagakalipay siya karon sang sakto lang ka maayong panglawas samtang nagaatubang siya sa tion sang iya kamatayon. Ang iya pagbiya gulpi kag makahas; suno sa tradisyon, sa isa ka hampak sing wasay sang lictor mautdan na siya sang ulo didto sa Ostian Way.

Apang ang panghunahuna ni Pablo sa panghitabo nahanungud sang pagpatay sa iya nagpakita sang grasya para sa tagumatayon. Sa pagkamatuud, duha ka tuig sang wala pa ang iya kamatayon, iya ini ginpaathag nga panawon nahanungud sang kamatayon sa mga Taga-Filipos.

Suno sa akon hanuut nga pagpaabot [tuman nga konsentrasyon sa doktrina] kag paglaum [pagsalig], nga indi akon mahuy-an sa bisan anong butang, kondi *nga* may bug-os nga kaisog [pagkamatinud-anon sa espirituhanong pagkahamtong], subong nga pirmi, si Kristo

bisan sa karon, mahimaya sa akon lawas, bisan kon pinaagi sa pagkinabuhi [nagpadayon nga espirituhanong pag-abante] ukon pinaagi sa kamatayon [grasya para sa tagumatayon]. Kay para sa akon, ang pagkinabuhi amo si Kristo, kag ang mapatay ganansya [may bentaha kag mapuslanon]. (Mga Taga-Filipos 1:20–21)

Bisan nga si Pablo may tumalagsahon ka dako kaayo nga mga kapaslawan sa kinabuhi, nakabawi siya, nagpadayon sa doktrina, kag nangapyot siya sa mataas nga posisyon sang espirituhanong pagkahamtong. Ang iya tagumatayon nga mga tion mga hilway sa paghinayang (2 Timoteo 4:7). Indi lang siya preparado sa kamatayon, kondi nagatan-aw siya sa unahan sang iya tagumatayong tion, nakahibalo nga ini mangin ang pinakamalipayon nga eksperyensya sang iya kinabuhi. Magaagi siya sa kinabuhi pinaagi sa kamatayon pakadto sa eternidad agud mag-atubang sa Ginoo.

Kay ako ginbubu na subong ang ilimnong halad, kag ang tinion sang akon pagtaliwan nag-abot na. (2 Timoteo 4:6)

Ang “ilimnong halad” nagatumod sa kinaandan sadtong sinaunang kalibutan sa pagbubu sing kopa sang maayong alak subong halad sa mga dios sang ditumulo. Sa sini nga pagpaanggid, ang kalag ni Pablo igabubu sing subong ka masayon kaangay sang alak nga “ginbubu” sa kopa. Ang Griyegong pulong nga gingamit para sa “pagtaliwan,” (*analysis*), may lima ka nagkalainlain nga mga kahulugan, ang tanan sa diin may kaangtanan sa palatukuran sang

pagkatagumatayon.

Ang gamit sang militar sa *analisis* nagakahulugan sang “ang paghampak sang tolda kag pagguba sang kampo.” Sa pagpaanggid, ang tolda ni Pablo amo ang iya tawhanong lawas, kag sa kamatayon ang iya kalag magabiya sing kampo sang kinabuhi kag magsaylo sa iya walay katapusan nga mansion didto sa langit. Ang pangmarino nga gamit nagakahulugan sang “ang pagpasaka sang angkla samtang ang barko nagapahamtang sing paglayag.” Si Pablo nakahibalo na nga sa madali na lang siya magapasaka sang angkla kag magbiya sa piyer sang kinabuhi agud maglayag pakadto sa piyer sang langit. Ang pang-agrikultura nga kahulugan nagatumod sa mangunguma nga nagahukas sing singkaw sang baka pagkatapos sila ginpatrabaho sing grabe kaayo sa bilog nga adlaw kag ginsangkapan sing pasilungan, pagkaon, kag ayhan ginhapuhap pa agud padyaan ang iya mga sapat kag patawhayan sila. Sa amo man, si Pablo ginhuksan sing singkaw; ang mga pagpangabudlay sa iya kinabuhi nakompleto na kag ang madungganong Apostol manugsulud na sa mga pakamaayo kag mga padya sa eternidad. Ang lain pa gid nga gamit sang *analisis* nagatumod sa isa ka bilanggo nga ginpagowa sa bilanggoan. Si Pablo ginpagowa pinaagi sa kamatayon halin sa pagkabilanggo sa sining tinion kag sa kinabuhi sa sini nga kalibutan agud magsulud sa kahilwayan kag mga himaya sang eternidad. Ang kinatapusan nga kahulugan sang *analisis* gingamit sa pamaagi sang pagpaathag sang makatalanhaga ukon ang pagsulbar sing pilosopiko nga palaligban. Ang kamatayon nagahubad sang makatalanhaga sing eternidad kag ang grasya para sa tagumatayon nagsulbar sang tanang mga palaligban sa kinabuhi.

Ang pagkatalupangud ni Pablo sa manug-abot nga ka-

matayon wala nakabalabag sang kalipayan sa pagkina-buhi. Bisan nga ginsilotan, wala siya nagakabalaka ukon nagairitable, mabaluson ukon nagaaligutgot. Sa pagkalain, bug-os siya nga nagpatawhay. Ang mga kapasidad ni Pablo para sa gugma, para sa kalipay, para sa pakamaayo, kag para sa pagkinabuhi nagpadayon nga wala mabuhinan sa ginsakupan sang pagkatagumatayon. Amo ini ang importanteng palatukuran sang doktrina: Ang ihibalo nahnungud sa malapit na gid nga kamatayon indi makabala-bag sa kapasidad para sa pagkinabuhi sang hamtong nga tumuluo.

Kon magkari ka dalha ang kunup nga akon ginbilin sa Troas sa kay Carpus, kag ang mga libro, labi na ang mga papeles [mga Balaan nga Kasulatan sang Daan nga Katipan]. (2 Timoteo 4:13)

Pinaagi sa mabakod nga kapasidad sa pagkinabuhi, si Pablo nagkinabuhi sa posibleng pinakamaayong katawhayan bisan pa sang pagkahigko kaayo sang Mamertine nga bilanggoan. Ang mabug-at nga kunup nga gindala ni Timoteo agud mainitan ang iya lawas amo ang nangin pagsangkap para sa iya katawhayan kag ang grasya para sa tagumatayon. Si Pablo ginbisita man pirmi sang mga abyan kag mga hinigugma, kag napalibutan sang iya paborito nga mga libro. Nagbasa kag nagtoon siya sang mga papeles sang Bibliya tubtub sang adlaw sing pagpatay sa iya. Para sa hamtong nga tumuluo, ang kinabuhi kag ang tanan nga mga pakamaayo sini nagamartsa sa panahon sing proseso sang pagkatagumatayon. Wala ginbaylohan ni Pablo ang iya kinaandan. Wala siya nagsapak sang pagkalooy-sa kaugalingon. Kon ano man ang ginhii-

mo ni Pablo sa kinabuhi, padayon niya ini nga ginhimo tubtub sa tion sang iya pagkatagumatayon, ang matahum nga ilustrasyon sang grasya para sa tagumatayon.

KAPASIDAD PARA SA PAKAMAAYO

Ang grasya nga plano sang Dios para sa imo amo ang amat-amat nga pag-abante pasaka sa dalan sang himaya halin sa kaluwasan pakadto sa eternidad pinaagi sa sunud-sunud nga pakamaayo. Sa Salmo 23, si David naglaragway sang lya plano.

Ang GINO amo ang akon manugpahalab,
Wala sing makulang sa akon.
Ginapapahuway Niya ako sa hilaw nga mga
hilamon;
Ginatuytuyan Niya ako sa higad sang malinong
nga mga tubig.
Ginapahaulian Niya ang akon kalag;
Ginatuytuyan Niya ako sa mga banas sang
pagkamatarong
Tungud sa lya ngalan. (Salmo 23:1–3)

Bisan sa pagsulud sa dalan sang himaya kag sang kinabuhi nga may pakamaayo, ginakinahanglan mo anay magtoo sa kay Kristo subong imo Maluluwas. Ang Gino amo ang Manugpahalab nga naghatag sang lya kinabuhi para sa karnero. Ang “wala sing makulang sa akon” nagatumod sa lohistikal nga grasya sa pagpakamaayo sang Dios—ang kada butang nga ginakinahanglan agud sa pagpabilin sa imo nga buhi sa lawas (Salmo 68:19–20) kag agud magtubo sa pagkaespirituhanon (Mateo 4:4).

Ang lohistikal nga pagsangkap sang Dios nagalakip sang pangunang suporta sa kinabuhi Mateo 6:11, 25–34) kag sing proteksyon sa kalibutan sang yawa (Mga Hebreo 1:14). Ang “ginapapahuway Niya ako sa hilaw nga mga hilamon” nagatumod sa pagsangkap sang Dios para sa imo pag-inoino sing doktrina sang Bibliya: ang tama nga pastor-manunudlo nga mapisanon magtoon kag matutum sa pagpalapnag sang indi magkasayup nga Pulong sang Dios, ang lokal nga simbahian subong ang kuwarto klasahanan, ang kanon sang Balaan nga Kasulatan, ang pagkapribado sang imo harianong pagkapari, ang buluhaton sing pagpangalagd sang Balaan Espiritu, kag ang pagpanghikot sang imo tawhanong espiritu.³¹ Ang ginatuytuyan Niya ako sa higad sang malinong nga mga tubig” amo ang pagpapresko, ang kalipay kag kalinong sang kalag, nga nagaabot subong ang resulta sing pag-aplikar sang doktrina sa imo kalag pakadto sa mga kahitaboan sang kinabuhi. Kon makasala ka kag mapaslawan, ang pagsangkap sang Dios sing panumbalik amo ang palaagihan sa pagpabalik sang pagpakig-upod sa Iya; ang “ginapahaulian Niya ang akon kalag.”

Kon panghimuslan mo ang bentaha sang sini nga pagsangkap, sa kadugayan mabungkag mo ang balabag sa pagkahamtong sa diin mahimaya kag mapahamuut mo ang Dios. Niyan hilway na Siya sa pagpakamaayo sa imo sa lima ka nagkalainlain nga mga ginsakupan: ang espirituhanong mga pakamaayo nga nagalakip sang pag-

31. Ang pagkapribado sang harianong pagkapari nagatumod sa palatukuran sang “magkinabuhi kag magpaumod sa iban” sang Mga Taga-Roma 14:7–8. Tan-awa ang Thieme, *Ang Pagkamatinud-anon sang Kristohanon*, 144–45.

Ang Dios Balaan Espiritu amo ang Isa nga nagatudlo sa aton sing doktrina (Juan 14:26) kag amo ang nagahatag sing gahum sa aton espirituhanong mga kinabuhi (Mga Taga-Roma 15:13).

kanalikupan ni Kristo, pagpakig-ambit sa perpetkong kalipay sang Dios, kag kapasidad para sa pagkinabuhi, gugma, kag pakamaayo; temporarayong mga pakamaayo nga puwede maglakip sang pagpauswag, kamanggaran, pangkatilingban kag sekwal nga pag-uswag, kakusog sing liderato; pakamaayo pinaagi sa pag-ululupod sa mga ara sa imo palibot—pamilya, negosyo, simbahan, komunidad, pungsod; makasaysayang pakamaayo sa sining henerasyon kag sa mga henerasyon sa palaabuton tungud sang imo espirituhanong mabaskog nga impluwensya; kag sang mga pakamaayo para sa tagumatayon.

Dira sa panghambal nga “mga banas sang pagkamatarong,” ang pulong para sa mga banas amo ang pangdamoan nga pulong sa Hebreo, (*ma'gal*), nga nagakahu-lugan sang “lupyak sa diin ang mga ruweda nagtiyog,” kag dapat mabadbad sang “inagihan sang karo,” Sa sinaunang kalibutan, ang mga karo nagasunud sa pinakamahapos agyan kag samtang nagabiyahe sila sa tabok sang duta ang ila mga ruweda nagabilin sang mga inagihan. Samtang nagapadayon ang panahon, makita sang iban yadtong mga lupyak kag paagyan pa gid sang ila mga karo ang amo man nga mga lupyak, amo nga sa kadugayan ang mga inagihan nagadamo sa nagkalainlain nga duug.

Para sa mga tumuluo sa Panahon sang Simbahan, ang mga inagihan sing karo sang pagkamatarong” iya sang pagkatawo ni Kristo. Nauna Siya sa aton kag naghanyay sang orihinal nga mga inagihan. Natilawan kag ginpatutud-an sang aton Ginoong Jesu-Kristo ang espirituhanong kinabuhi nga lya ginhatac sa aton—ang amo man nga espirituhanong kinabuhi nga sa diin ang gahum sang Balaan Espiritu kag ang kinadamoan nga doktrina sang Bibliya sa lya kalag naghatac sa lya sang mga sa sulud nga kakusog agud magpabilin nga walay kasarang sa pagpaketala,

nagpalansang sa krus, kag nagpas-an sang pagpaangkon kag paghukum sang aton mga sala. Kon didto ka na sa lya matarong nga mga inagihan kag nagaabante subong sang lya ginhimo, wala ka lamang nakaangkon sang buwelo, kondi nakaangkon ka sang kapasidad para sa pakamaayo.

Ang pagsunud sang halimbawa ni Kristo sa mga inagihan sang karo sing pagkamatarong—ang pag-abante sa pagkaespirituhanon—nagaresulta dira sa imo sing espirituhanong kapasidad nga pagkamatarong. Amo ini ang espesyal nga kapasidad nga ginhatag sa hamtong nga mga tumuluo agud ikalipay ang ila mga pakamaayo sa sining tinion kag sa eternidad kag katumbas sa pagkinalikupan ni Kristo. Pinaagi sa pag-agum sang espirituhanong kapasidad nga pagkamatarong, ang kapasidad sa pagkinabuhi mangin kapasidad para sa pagkatagumatayon (Mga Taga-Filipos 1:21). Samtang ang kapasidad para sa pagkinabuhi may kaangtanahan sa imo pagsilsil kag pag-aplikar sing doktrina sang Bibliya sa eksperyensya, ang kapasidad sa pagkatagumatayon sa pagkamatuud amo ang pagkinabuhi sa doktrina subong sang wala mo naki-nabuhi ini sadto anay. Pinaagi sa espirituhanong kapasidad nga pagkamatarong, walay kahadlok sa pagkatagumatayon, ganansa lamang samtang nagabiyahe ka tubtub sa imo kaugalingong nalupyakan sang landong-sang kamatayon. Ang grasya para sa tagumatayon mangin ang makadalayaw nga proseso sang pagpauswag sang hamtong nga tumuluo pakadto sa walay limitasyon nga mga himaya sa langit.

Ang Nalupyakan sang Landong-sang Kamatayon

Bisan nagalakat ako sa nalupyakan sang landong-sang kamatayon,
 Wala ako sing kahadlokan nga malaut; kay Ikaw kaupod nakon;
 Ang Imo sungkod kag ang Imo igtululukod,
 nagalipay sila sa akon.
 Ginapreparar Mo ang lamesa sa atubangan ko
 dira sa presensya sang akon mga kaaway;
 Ginhaplasan Mo ang akon ulo sing lana;
 Ang akon kopa nagaawas.
 Sigurado gid ang pagkaayo kag mapinalang-
 gaong-kabuut magasunud sa akon sa tanan
 nga adlaw sang akon kinabuhi,
 Kag ako magaistar sa balay sang GINOO sa
 walay katubtuban. (Salmo 23:4–6)

Nagaangkon ka sang isa sa labing makatilingala nga mga piraso sang kadutaan kag balay nga matanyag sang sini nga kinabuhi, ang imo kaugalingong nalupyakan sang langdong-sang kamatayon nga ginsangkap para sa imo ni Ginoong Jesu-Kristo sadto pa sang nagligad nga eternidad. Ang Hebreo nga pangalan (*tsal'mavet*) kasami nga ginbadbad “landong sang kamatayon,” apang isa ka pulong ini nga gin-ululupod halin sa duha ka mga pangalan. Ang unang pangalan (*tsal*), amo ang pulong para sa landong; ang (*mavet*), ang ikaduhang pangalan, amo ang pulong para sa kamatayon. Pinakamaayong ginbadbad “landong-sang kamatayon,” *tsal'mavet* nga nagatumod sa imo mismong kaugalingong “nalupyakan sang langdong-sang kamatayon.”

Ang landong ginpaathag subong ang “madulum nga porma ukon imahen nga ginhimo sa panggowa nga lawas nga nagapugong sang kasanag.” Sa pagpaanggid, ang kadulum sang landong nagatumod sa imo tagumatayong bahin. Sa imo nalupyakan sang langdong-sang kamatayon may ara ka sang oportunidad sa pagpugong sang kasanag, ang doktrina sang Bibliya sa imo kalag. Indi ka mahadlok sa pamaagi sang imo kamatayon tungud kay “Ikaw kaupod nakon”; si Ginoong Jesu-Kristo nagaupod sa imo tubtub sa imo nalupyakan sang landong-sang kamatayon. Ang Manugpahalab, si Ginoong Jesu-Kristo, nga nagtuytuy sa imo pinaagi sa pag-una sa mga inagihan sang karo sang espirituhanong pagkinabuhi, nagatuytuy man sa imo tubtub sa imo mismong kaugalingon nga nalupyakan sang landong-sang kamatayon. Ang katawhayan kag pagpadasig nga imo nakuha halin sa doktrina sang imo bahin sang pagkinabuhi magapatawhay kag magadasig man sa imo sa imong tagumatayon nga bahin. Pinaagi sa imo pangkulud nga kakusog sang espirituhanong pagkinabuhi, wala ka gid sing dapat kahadlokan sa imo pagbiyahe tubtub sa nalupyakan sang landong-sang kamatayon.

Subong nga ang Dios nagsangkap sang tanang mga butang para sa imo espirituhanong pagtubo sa kinabuhi, gani nagasangkap Siya sang tanang mga butang para sa imo pagkatagumatayong bahin. Amo ini ang parte sang kadaugan sang Ginoong ngagakuha sing sudlot sang kamatayon (1 Mga Taga-Corinto 15:55–57). Sanglit nga amo ini ang ulihing oportunidad sang Dios sa pagpakamaayo sa imo diri sa kalibutan, himoon Niya ang grasya para sa tagumatayon nga pakamaayo nga mas labaw sa tanang kauswagan, promosyon, kamanggaran, kag kadalag-an nga imo ikalipay sa kinabuhi. Ginatuyo sang Dios para sa ulihing pakamaayo sa sining tinion nga magdala sa imo sang

summum bonum sang kinabuhi. Ang imo “kopa nagaawas.” Subong isa ka hamtong nga tumuluo, nakatoon ka sang nagakaigo nga doktrina sang Bibliya agud mahibal-an nga ang imo kamatayon ara sa mga kamut sang Ginoo. Bisan kon gulpi ka mapatay sa bunggoanay ukon pagkatapos pa sang ginpadugay, masakit kaayo nga balatian, bug-os ka nga nagapatawhay tungud kay nakahibalo ka nga ikaw “magaistar sa balay sang GINOO sa walay katubtuban.”

ANG TAYTAYAN SA TUNGA SANG SINING TINION KAG SANG ETERNIDAD

Ang grasya para sa tagumatayon puwede man tanawon sa iban pa nga panan-awon: ang pag-angot sa tunga sang mga pakamaayo sa sining tinion kag mga pakamaayo sa eternidad. Ang Dios nikit-an nga nangindapat sa pagsangkap sang espesyal nga taytayan para sa hamtong nga tumuluo samtang nagatabok siya sa pil-as halin sa kinabuhi diri sa kalibutan pakadto sa langit—ang mataas nga bulawanong taytayan sang grasya para sa tagumatayon. Si Stonewall Jackson matahum nga nagpahayag sini nga pagtabok sa iya tagumatayon nga mga pulong: “Magtabok kita sa suba, kag magpahuway sa ida-lum sang handong sang mga kahoy.”³²

Ang manunulat sang Mga Hebreo nagasugid sa aton nga ang hamtong nga tumuluo sang Daan nga Katipan, subong sa kay Abraham, makakita halin sa iya palanan-awon didto sa mabentaha nga kahimtangan sang espirituhanong pagkahamtong sa eternidad kag makita naton

32. Ginbadbad halin sa Lenoir Chambers, *Stonewall Jackson* (New York: William Morrow & Co., 1959), 2:447.

ang iya walay katapusan nga mga pakamaayo kag mga padya nga ginlaragway subong ang matahum kaayo nga siyudad (Mga Hebreo 11:9–10; Bugna 21:2, 10). Ang realidad sining walay katapusan nga mga padya, nga ginsambit sa madamong mga dalanon sang Balaan nga Kasulatan (2 Mga Taga-Corinto 5:10; Santiago 1:12; 1 Pedro 5:4), puwede ipahayag pinaagi sa terminolohiya nga “dimatupungan nga grasya,” nga ginkuha halin sa literal nga pagbadbad sang Mga Taga-Efeso 2:7.

Agud nga sa mga panahon nga palaabuton [eternidad] mapakita Niya ang dimatupungan nga mga manggad sang lya grasya sa pagkalolo para sa aton sa kay Kristo Jesus. (Mga Taga-Efeso 2:7)

Ang dimatupungan nga grasya nga mga pakamaayo, nga ginhatac sa hamtong nga tumuluo didto sa eternidad, amo ang nagapangibabaw nga pareparehong butang nga igasangkap sa kada tumuluo pagkatapos sang kamatayon.

Nagasulud ka sa grasya para sa tagumatayon pinaagi sa pagsaludo ukon pagkilala sang imo dimatupungan nga grasya nga mga pakamaayo sa lapit na lang gid sa punta sang taytayan kag makompleto ang biyahe pinaagi sa paggakos sa ila sa pihak nga punta. Ang imo pag-abante sa tabok sang mataas nga bulawanong taytayan halin sa sining tinion pakadto sa eternidad ayhan mangin malawig nga tinion ukon manubo nga tinion, apang sa panahon sang pagsaylo, ang Dios maghatag sa imo pinaagi sa doktrina nga nagapuyo sa imo kalag kag sa resulta sang espirituhanong kapasidad nga pagkamatarong sing panan-aw sang mga pakamaayo kag mga padya nga imo mabaton sa indi na gid madugay didto sa eternidad.

Ini tanan napatay [mga tumuluo sang Daan nga Katipan nga napatay sa idalum sang grasya para sa tagumatayon] sa pagtoo [suno sa doktrina nga nagapuyo sa kalag], nga wala nakabaton sang mga saad [dimatupungan nga grasya sa eternidad], kondi nakakita sa ila kag nag-abibi sa ila halin sa layo [halin sa mabentaha nga kahimtangan sang espirituhanong pagkahamtong sa sining tinion]. (Mga Hebreo 11:13a)

ANG PGSAYLO NGA WALAY KAANGTANAN SA KAMATAYON

Ang Pinasahi nga Pagsaylo

Para sa pipila ka mga tumuluo, ang Dios naggahin sang pinasahi nga pagsaylo pakadto sa langit nga walay labot ang kamatayon. Si Enoch, nga nagkinabuhi sang wala pa ang Anaw, amo ang ilustrasyon sing isa ka kategorya sang pagsaylo nga walay kaangtanan sa kamatayon.

Pinaagi sa pagtoo [doktrina nga nagapuyo sa kalag] si Enoch ginsabnit agud nga indi na siya makakita sang kamatayon; KAG WALA NA SIYA MAKIT-AN TUNGUD KAY GINDALA NA SIYA SANG DIOS. (Mga Hebreo 11:5a)

Ang tagumatayon nga pakamaayo puwede mapaaanggid sa maurualsa nga taytayan. Kasami ang maurualsa nga taytayan ginkontrol kag ginapanaog sa litik sang tion nga bahin, tungud kay pakamaayo ini nga may kaangtanan sa

tinion. Ang tumuluo mapatay sa lawas, ang iya kalag kag espiritu makadto sa langit samtang ang iya lawas nagapabilin diri sa kalibutan. Sa kahimtangan ni Enoch, bisan pa sina, ang maurualsa nga taytayan ginkontrol sang eternidad nga bahin. Wala siya nakaeksperyensya sang kamatayon. Ang iya lawas, kalag kag espiritu—bilog gihapon—hagkadto sa Paraiso (Genesis 5:24). Ngaa man nga ang Dios hilway sa pagpakamaayo kay Enoch sang subong ka pinasahi kag makadalayaw nga pagsaylo? Ang pakamaayo ni Enoch may kaangtanan sa iya dimatupungang-grasya nga mga padya.

Ginakinahanglan naton hinumdumon nga ang Dios hilway maghatag sing direkta nga pakamaayo sa kay bisan sin-o nga nagaugyon sa lya katarungan sa kinataasan, ang kahimtangan sang pagkahamtong nga “nagapahamuut” sa Dios. Si Enoch nagtuman sini nga palatukuran.

Kay nakaagum siya sang saksi nga sang wala pa siya nasabnit nahamuut ang Dios sa iya.
(Mga Hebreo 11:5b)

Paano bala ni Enoch mapahamuut ang perpetkong Makagagahum nga nagaangkon sang hingpit nga pagkamatarong kag katarungan?

Kag kon wala ang pagtoo [doktrina nga naga-puyo sa kalag] impossible nga mapahamuut Siya, kay ang nagapalapit sa Dios kinahanglan magtoo [pinaagi sa nagapuyo nga doktrina] nga amo Siya, kag sa *sina* Siya amo ang manugpadya [ang Ginalinan sang pakamaayo] sang yadtong nagapangita sa lya [pinaagi sa adlaw-adlaw nga pagpanghikot sang GGP].
(Mga Hebreo 11:6)

Ang yabi ara sa pagkamatuud nga si Enoch wala lamang nakatoon sang doktrina sang Bibliya, kondi nangin makanunayon kag nagapadayon. Mapisanon niya nga ginpanngita ang Dios. Sa kada adlaw si Enoch “nagginawi kau-pod ang Dios” (Genesis 5:24). Kada adlaw gusto ni Enoch makahibalo pa gid kag sang madamo pa gid nahanungud sa Dios kag sang lya plano, kag ang Ginoo pirmi nagsangkap sang handum nga impormasyon. Si Enoch nag-abante pa gid kaayo kag tuman ka dasig sa iya espirituhanong pagkinabuhi nga ang pagsaylo pakadto sa eternidad nga walay kaangtanan sa kamatayon amo ang isa sa espesyal nga mga pakamaayo kag mga padya para sa iya.

Ang Henerasyon sang Pagsabnit

Kaangay ni Enoch, ining ikaduhang pagsaylo pakadto sa langit wala nagalabot sang lawasnong kamatayon sang tumuluo. Sa pila ka punto sa palaabuton, nga gintawag Pagsabnit ukon ang paggowa nga pagkabanhaw (*exanastasis*), ang intero nga henerasyon sang harianong pamilya pagabanhawon kag isaylo pakadto sa langit nga walay pagkalamatay. Sa tion sang Pagsabnit, ang tanang mga tumuluo sa Panahon sang Simbahan magabaton sang ilia nabanhaw nga mga lawas, ang lawas nga kaangay sang nabanhaw nga lawas ni Ginoong Jesu-Kristo (Mga Taga-Filipos 3:21). Sa gulpi lamang, mabaylohan sila halin sa lawas nga madunot pakadto sa lawas nga dimadunot; ang “mamalatyon magabaton sang dimamalatyon” (1 Mga Taga-Corinto 15:53, KJV). Walay tawo nga makahibalo sang adlaw ukon oras sang sining makahunos-ginhawa nga panghitabo, ang pagkahibalo sang tanan sang Dios lamang (Mateo 24:36; Marcos 13:32; Mga Binuhatan 1:7).

Kay ini ginsiling namon sa inyo pinaagi sa pulong sang Ginoo, nga kita nga mga buhi, nga nabilin tubtub sa pag-abot sang Ginoo, indi magauna sa yadtong mga nagakatulog. Kay ang Ginoo gid ang lya kaugalingon magapanaog halin sa langit nga may singgit, sang tingog sang arkanghel, kag sang trumpeta sang Dios; kag ang nagkalamatay kay Kristo mabanhaw sing una. Dason kita nga mga buhi kag nabilin pagasabniton sing tingub upod sa ila didto sa mga panganod agud magsugata sa Ginoo sa kahanginan, kag gani kita mangin kaupod pirmi sang Ginoo (1 Mga Taga-Tesalonica 4:15–17)

Dira sa 1 Mga Taga-Tesalonica 4:15–17, makita naton ang pagkahan-ay sang mga panghitabo sa tion sang Pagsabnit. Yadtong mga “nagakatulog na” nagatumod sa mga tumuluo sa Panahon sang Simbahang nagkalamatay na. Sa isa ka tion, “sa pagpisok sang mata” sila “pagabaylohan” (1 Mga Taga-Corinto 15:51–52) kag ang “napatay sa kay Kristo mabanhaw sing una.” Dason yadtong mga buhi pagabag-ohon kag pagabanhawon. Bisan kon ano man ang ginahimo sang kada isa sa sining gin-gahin nga tinion kag bisan kon ano man ang ila espirituhanong kahimtangan, unudnon ukon espirituhanon, ang tanang buhi nga mga tumuluo sa Panahon sang Simbahang pagabanhawon man.

Luwas sa henerasyon sang Pagsabnit, ang kamatayon maeksperryensyan sang tanang mga tumuluo. Dason, ang pamangkutanon magagowa, ano bala ang matabo sa tumuluo nga napatay sang wala pa ang Pagsabnit? Diin bala siya magpuyo tubtub sining nagahin nga tinion?

ANG TEMPORARAYONG LAWAS

Dira sa Mga Taga-Corinto 5:8, ang aorist active infinitive (*endemeo*), nagakahulugan “nakapauli sa panimalay,” nga nasundan sang pangtumod nga (*pros*) kag ang accusative nga mahinangpanon nga relasyon, and direktang natungdan (*Kurios*) nagakahulugan “mag-atubang gid sa Ginoo” kag nagasugyot nga nagahulat kita sang pagkabanhaw (Job 19:25–26; Juan 11:25). Ang Bibliya wala gid nagahambal sang kawalay lawas nga mga kalag. Ang “mag-atubang” nagakahulugan man nga makilala kita sa aton temporaryong mga lawas. Kay ang tumuluo nga ara sa temporaryong lawas, ang kamatayon nagakahulugan nga wala na sing makasasala nga kinaiya, wala na sing kasulub-on, ukon paghibi, ukon kasakit (Bugna 21:4). Walay pagkalain nga ginhimo sa tunga sang temporaryong mga lawas sa yadtong mga tumuluo nga nag-abante sa espirituhanong pagkahamtong kag sa yadtong wala nag-abante. Sa temporaryong lawas, may ara kita sang dako kaayo nga kalipay. May ara kita sang bag-ong panimalay (Juan 14:1–6), kag sang pagkatuman sang kinabuhi nga walay katapusan (Juan 10:28). Ining ihibalo nga ang mga hinigugma ara sa perpektong kahimtangan sang kalipay sa temporaryong lawas amo ang isa ka ginhalinan sang dako kaayo nga katawhayan sa yadtong nabiyaan naton.

SA YADTONG NABIYAAN

Ang tumuluo nga ara sa grasya para sa tagumatayon nakahibalo nga siya magabiya sing pinakamaayong possible nga panublion sa iya mga kabataan kag mga hinigugma: ang pakamaayo pinaagi sa pag-inupdanay. Tungud

sang iya pagpauyon sa katarungan sang Dios, ang iya pamilya kag ang mga suud sa iya may pakamaayo kag seguridad sa bug-os nila nga mga kinabuhi. Ang tumuluo nga may doktrina nga nagapuyo sa iya kalag mapatay nga may kasigurohan nga ang katarungan sang Dios magapadayon sa pagsangkap para sa yadtong iya nabiyaan.

Apang sa ano bala nga pamaagi ang divine nga pagsangkap magadumala sang kasubo kag pagkadula sa yadtong mga nabyaan? Sa amo man, ini amo ang ihibalo sa katarungan sang Dios nga amo ang basihanhan para sa kalig-on kag pakamaayo sa pagkadula sang hinigugma. Sa bisan anong tinion nga ang Dios makapahalin sang isa ka tawo sa sini nga kinabuhi, ang desisyon nangin suno sa lya perpetkong kinaalam kag pagkamatinud-anon. Sanglit nga ang Dios amo ang ginalinan sang kada abyany kag hinigugma nga ara sa aton (Santiago 1:17), wala kita sing katungud nga magmalain ang buut ukon basulon ang Dios. Ang aton sabat dapat subong sang sa kay Job, nga nadula sing dungan ang tanan niya nga mga kabataan.

Ang GINOO ang naghatag kag ang GINOO ang nagkuha.

Pakamaayohon ang ngalan sang GINOO. (Job 1:21b)

Sa pagkamatuud ang Dios nagasiling, “Magpadayon ka sa pagkinabuhi bisan wala ining mga pinalangga, apang hinumduma nga wala ka nga wala Ako kag sa sina makita mo liwat ang imo nagatoo nga hinigugma. Agud mapaus-wag ang kapasidad para sa pagkinabuhi ginakinahanglan magdepende ka lang sa Akon, indi sa katawhan. Gani ginatipigan Ko ikaw agud nga mas makilala mo pa pa gid Ako sa sini nga tinion.” Nahibaloan naton nga ang kama-

tayon sang mga hinigugma nga nagtoo sa kay Kristo temporaryo lamang nga pagkahamulag; ini indi ang katapanan sang tanan, kay makit-an naton sila sa walay katubtuban didto sa eternidad.

Magkadto Ako sa pagpreparar sang duug para sa inyo. Kag kon makakadto Ako kag makapreparar sang duug para sa inyo, Magabalik Ako kag batonon kamo sa Akon kaugalingon; agud nga kon diin Ako, *ditto* man kamo. (Juan 14:2b–3)

Gani tungud sang bukol sa inyo tutunlan ayhan magsiling kamo nga, “Paalam,” apang nakahibalo ka nga mahiusa kamo liwat sa inyo mga hinigugma sa bisan diin sa imo kaugalingong kamatayon ukon sa Pagsabnit (1 Mga Taga-Tesalonica 4:16–18). Tubtub sina nga pagkilitaay, puwede ka magkasadya sa ihibalo nga ang inyo mga hinigugma arana sa kahimtangan sang persektong kalipay upod sa Ginoo.

Ang aton ihibalo sang pagkamatinud-anon sang Dios nahatag man sang kasarang sa aton nga mangin maanayon nahanungud sa kamatayon sang isa ka ditumuluo. Nakahibalo kita nga ang Dios indi magpanghilabot sang hilway nga pagbuut sang bisan kay sin-o nga sakup sang katawhan. Nakahibalo man kita nga Siya

Wala nagahandum para sa bisan kay sin-o nga mawala kondi para ang tanan makadangat sa paghinulsol [ang pagbaylo sang panghunahuna nahanungud kay Kristo]. (2 Pedro 3:9b)

Ang kada sakup sang katawhan may tagsa ka posible nga oportunidad nga makabati sang impormasyon naha-

nungud sang Ebanghelyo, kag magpili para sa plano sang Dios nahanungud sang kaluwasan kag pakamaayo pinaagi sa pagtoo sa kay Jesu-Kristo. Dugang pa, ang pagkahibalo sang tanan sang Dios nakahibalo na nga ang siguradong mga tawo indi gid magbaton kay Jesu-Kristo subong Manluluwas bisan pa kon ginhatagan sila sang dugang pa nga panahon. Sanglit nga ang katarungan sang Dios hingpit nga patas kag indi gid makompromiso, ginakinahanglan nga silotan Niya ang ditumuluo didto sa walay katapusan nga dakong pag-antos sa pagkahamulag sa Dios nga nagasugod sa gilayon pagkatapos sang iya kamatayon. Bisan pa nga walay paglaum sa pihak sang lulubngan para sa ditumuluo, ini mapasipalaon nga malain ang buut sa Dios nahanungud sa kamatayon kag sa walay katapusan nga paghukum sang bisan sin-on ng tawo nga hilway nagpili agud isikway ang pagluwas nga trabaho sang Anak sang Dios.

Madamo ang nagkabig sini nga trahedyang sang ang mga lapsag ukon ang gagmay pa nga mga kabataan mapatay; apang bisan pa sina mas maayo pa nga mapatay sila kag awtomatik nga magkadto sa langit sa wala pa makalambot sa edad sang pagpanabat (2 Samuel 12:23), kay sa mapatay sa ulihi nga ang kinabuhi posible subong isa ka ditumuluo kag magkadto sa impiyerno.³³ Makapasala man ang magmalain ang buut sa Dios tungud sang pag-

33. Ang edad sang pagpanabat amo ang punto sa diin ang tawo makatalupangud na sang pagkaara sang Dios pinaagi sa pagpanghikot sang iya kaugalingong paminsaron Jeremias 29:13; Mga Binuhatan 17:27; Mga Taga-Roma 1:19–20). Halin sina nga tion, nga nagakalainlain sa kada isa suno sa kultura, lenggwahen, palibot, kag mga kahitaboan, ang tawo nagapanabat sa atubangan sang katarungan sang Dios tungud sang iya desisyon nga uyon ukon batok sa Dios kag sa lya plano. Yadtong nagkalamatay sang wala pa nakalambot sa edad sang pagpananabat tungud sang edad ukon kakulangan sang paminsaron awtomatik nga mga naluwas. Tan-awa ang Thieme, *Ang Pagkadirumulo* (2016) 22–23.

pahalin sang isa ka tawo sa batan-on pa kaayo nga edad. Subong sang naton-an naton sa Job 5, ang Dios kaangay sang mangunguma nga nakahibalo sing sакто kon ang kinayan sang mais gulang na kag dapat sanggion. Ang iban nga mga kinayan mas una magulang kay sa iban; gani amo man sa mga tumuluo. Dira sa anghelon nga pagsinumpunganay, ang katuyoan sa kinabuhi sang kada tumuluo matuman sa nagkalainlain nga edad. Bisan pa kon ang kamatayon nagakatabo sa medyo batan-on pa kaayo nga edad pinaagi sa tawhanong mga talaksan, wala ina nagabuhin sing posibilidad sang kalipay, pakamaayo, grasya para sa tagumatayon, kag mga padya sa sina nga tawo. Nakahibalo kita nga sa kahimtangan sang batan-on pa nga mga kabataan kag sa tanan nga napatay sa kay Kristo, makit-an naton sila liwat. Butang ta abi nga amo sina, ang ihibalo sa sini nga palaabuton nga reyalidad indi makakuha sang kasulub-on sa sina nga tion, kag indi man bisa sa kasakit nga indi mo na makaupod ang hinigugma.

Ang Dios naggahin sa aton sang siguradong kantidad sang tinion agud magpangasubo para sa yadtong aton ginhigugma nga nagtaliwan na sa sini nga kalibutan.

Ang tinion sang paghibi, . . . ang tinion sang
pagpangasubo. (Ang Manugwali 3:4)

Ang pagpangasubo tunay. Ang paghibi indi malain; ini amo ang kalolo kag pagkagamhanan pa gid nga parte sang kinabuhi. Ang paghibi nahanungud sang kasulub-on nagapahayag sang dakong kapasidad para sa gugma. Pinaagi sa doktrina sang Bibliya sa imo kalag, may kasa-rang ka sa pagtindog sa kilid sang lulubngan kag pahimus-lan ang imo tinion sa paghibi, sa paghinumendum sa indi mo na makaupod nga abyan ukon hinigugma kag pasidungan

siya sa naglabay nga mga panahon. Pinaagi sa doktrina nga ara sa imo kalag, wala ka sing mga paghinayang. Kag indi man makabuntog sa imo ang imo paghibi, kondi sa baylo mabaylohan sang makapalipay nga amyon sing mga handumanan.

Apang bisan pa sina, may ara man sing makapasala nga paghibi, ang paghibi tungud sang kalain sing buut nga kapaslawan, pagkalooy-sa kaugalingon, kag pagbasol. Ang tanan nga mga panghinayang ginakinahanglan ilubong sa pagsangkap sang Dios sang grasya: Ang panumbalik, lipatan ini, kag magpadayon. Walay duug sa pag-aligutgot, pagduhaduha, paghisterya, ukon dinormal nga pangasubo subong sang ginpahayag sang iban "nga walay paglaum" (1 Mga Taga-Tesalonica 4:13b). Ginakinahanglan nga indi mo gid pagtugotan ang pagpangasubo sa kamatayon ni bisan sin-o nga magguba sang imo kinabuhi. Ang Dios may katuyoan gihapon para sa imo kinabuhi, kag magasangkap Siya para makapadayon ka sa pagkinabuhi subong sang Siya nagasangkap para sa tagumatayon.

Labi na, ang mga babayi, ginakinahanglan matudloan nga magbaton sing kamatayon sang hinigugma (Jeremias 9:20). Sanglit nga ang babayi amo ang manugsabat sa iya kalag, ang paghalin sang isa ka tawo sa kon kay sin-o siya nagasabat isa ka mabudlay nga sitwasyon para sa iya. Ang mga abyan ukon mga paryente ayhan makasarang magpalipay dayon sa iya, apang samtang nagalabay ang tinion, ini nga katawhan nagabalik sa ila mga duug sa pagkinabuhi kag magaisahanon na lang siya, bug-os nga magdepende sa doktrina nga nagapuyo sa iya kalag. Kon nagakakulang siya sang doktrina, wala siya sing kasarang sa pagbatas sang kamingaw kag kasubo. Apang kon nagaangkon siya sang pangkulud nga kakusog sing doktrina sang Bibliya kag sang espirituhanong kapasidad nga pag-

kamatarong, nagagowa siya subong isa ka makadalayaw kag madunganon nga babayi, ang tawo nga nakaatubang sa isa ka dako kaayo nga kasulub-on kag nakapatigayon sini sing matahum gid.

ANG HANGKAT SA TUMULUO

Bisan kon nagaatubang ka sang imo kaugalingong kamatayon ukon sing kamatayon sang isa ka hinigugma, ang dako kaayo nga doktrina sang Biblya sa imo kalag amo lamang ang epektibo nga sabat. Pinaagi sa imo adlaw-adlaw nga pagpadayon sa pagtoon sing doktrina sang Bibliya, ginadihon mo ang imo mga sabat sa mga pagtilaw nahanungud sang pagkinabuhi kag sang pagkatagumatayon sa pamaagi nga nagahimaya sa Ginoo. Pinaagi sa nasulat nan ga Pulong nga nagahatag sa imo sang kasigurohan kag pakamaayo sang buhi nga Pulong, may ara ka sang espirituhanong kapasidad nga pagkamatrong, ang perpektong kombinasyon sing kalig-on, kapasidad, kag kalipay para sa sining pagkinabuhi kag pagkatagumatayon.

Si Pablo nakahangup sini nga palatukuran sang siya nagsulat sang Mga Taga-Filipos 3. Nahangkat siya nga magpabilin nga nagaabante subong nga wala pa siya nakalambot sa tinutuyo sang espirituhanong pagkinabuhi, ang kinataasan nga kahimayaan sang Dios.

Indi nga naagum ko na *ini* [nabaton ang pagkabanhaw], nga nangin perpekto na [nakompleto ang espirituhanong kinabuhi], kondi nagapadayon ako [padayon sa positibong kabubut-on nahanungud sa doktrina] agud nga

mangin-akon ini [tunay nga mahangpan ang katuyoan] tungud nga ako mangin-iya man ni Kristo Jesus. (Mga Taga-Filipos 3:12)

Sa sini nga punto, si Pablo nakahangup sing bug-os kon ano ang iya naagum kag kon diin siya pakadto sa iya espirituhanong pagkinabuhi. Ang iya eksaktong pag-usisa kaugalingon nagaengganyo sa iya nga magpabilin sa pag-abante. Apang samtang si Pablo nagapatalupangud, ang tanang mga tumuluo mapaslawan kon kaisa.

Mga kauturan [mga sakup sang harianong pamilya sang Dios], wala ko ginaisip sa akon kaugalingon nga akon na *ini*; [nalambot na ang espirituhanong pagkahamtong] apang isa ka butang ang *akon ginahimo*: ginalipatan ko kon ano *ang tinalikdan* [ang nagligad nga mga sala kag mga kapaslawan] kag ginalambot kon ano *ang ara* sa unahan [espirituhanong pagkahamtong kag kinataasang kahimayaan sang Dios], Nagapadayon ako [nagapabilin sa pag-abante] pakadto sa lalambuton [espirituhanong pagkahamtong] para sa premyo [dimatupngang-grasya nga pakamaayo] sang mataas nga pagtawag [eternidad] sang Dios sa kay Kristo Jesus. (Mga Taga-Filipos 3:13–14)

Si Pablo nagapatalupangud sang importansya sing pag-pabalik sang aton espirituhanong mga tiil sing posible nga subong ka gulpi kag nagapadayon sa pag-abante pakadto sa tinutuyo. Indi kita dapat mangin makinaugalingon nahnungud sang mga sala kag mga kapaslawan, kondi magpanumbalik kag magbalik dayon sa inagihan. Kina-

hanglan indi kita magsapak sang nagligad nga mga kapaslawan, magbatas, kag padayon sa paghimo sing doktrina sang Bibliya nga aton numero uno nga ulunahon sa kinabuhi. Ang aton positibo nga panghunahuna nahanungud sa doktrina sang Bibliya amo ang garantiya nga pakamaayo para sa aton mga hinigugma, mga makaupod, kag subong man sang pungsod (Mateo 5:13).

Ini nga palatukuran may kaangtanan gid sa mga panahon sang makasaysayan ukon pungsudnong kapahamakan, kon ang pag-antos kag ang kamatayon tunay gid kaayo kag adlaw-adlaw nagakatabo. Paano bala naatubang sang mga tumuluo ang pungsudnong mga kapahamakan sadtong nagligad? Paano bala nila ini nadumalahan ang pagpamahog sang kamatayon nga nagalabaw batok sa pagkompromiso sang doktrina sang Bibliya? Napukan bala sila? Nagpauyon na lang bala sila? Talupangda ang sabat ni Daniel sa atubangan sang kamatayon sa kay Haring Nebuchadnezzar.

*Gani kon amo ini, ang amon Dios nga amon ginaalagad makasarang sa pagpalingkawas sa amon sa hurno sang nagadabdab nga kalayo; kag Siya magapalingkawas sa amon sa imo kamut, O hari. Apang *bisan* kon indi *Niya himoon*, tugoti ini nga mahibaloan mo, O hari, nga indi kami mangalagad sa imo mga diosdios ukon magsimba sa bulawanon nga imahen nga imo ginpatindog.” (Daniel 3:17–18)*

Imbis nga magkompromiso sa kamatuuran, ginpili nila ang magpahuway sa walay limitasyon nga kinaalam kag pagkagamhanan sa tanan sang Dios nahanungud sa tinion kag pamaagi sang ila mga kamatayon. Si Job nagpahayag

sining amo man nga panghunahuna sang siya nagsulat sang:

“Bisan patyon Niya [Dios] ako,
Magalaum [magsalig] ako sa Iya.” (Job 13:15a)

Ini nga pagsalig, ang nagpatawhay nga panghunahuna sa atubangan sang labing gamhanang panghadlok nga taktika ni Satanas—ang kamatayon—pirmi gid ara kag maagum pirmi sang mga tumuluo sa amo man nga pamaagi.

Hinumduma samtang nagaugod ka sa imo pag-panglakaton pinaagi sa imo mismo nga kaugalingong nalupyakan sang-landong sang kamatayon, nga ang imo mga hinigugma indi makaupod sa imo. Si Ginoong Jesu-Kristo lamang ang buhi nga Pulong, ang makaupod sa imo. Bisan pa nga maamuma ka sang pinakamaayo nga pangmedisina nga pagtatap, ang doktrina sang Bibliya lamang, ang nasulat na nga Pulong, nga nagapuyo sa imo kalag ang makasakdag sa imo sa panahon sang imo nga mga tion sing pagkatagumatayon. Si Socrates, ang isa ka ditumuluo, nagsiling, “Indi ka gid matuud nga madinalag-on tubtub nga mapatay sing tawhay.” Ang pagkalainlain sing divine nga palanan-awon amo nga: Kon nagakinabuhi ka sing matawhay pinaagi sa pag-abante pakadto sa espirituhanong pagkahamtong, mapatay ka sa mas maayo pa, kay ang grasya para sa tagumatayon nagaralapaw sa bisan anong butang sa kinabuhi.

Sa karon, ang imo panan-aw sa kamatayon dapat medyo lain sa tawhanon nga palanan-awon nga ginapakita sa palibot mo. Upod sang doktrina nga ara sa imo kalag, wala ka nahadlok sang kamatayon. Ginahulat mo ang tagumatayon subong sang imo paborito nga pangyam-is, nakahibalo nga ang mga pakamaayo sang grasya para sa

tagumatayon mangin mas mataas pa sa pinakamaayo sa kinabuhi.

Ari ang pamangkutanon nga dapat mo sabton didto sa Ginoo lamang: Kon masilingan ka nga may apat ka oras ka na lang para mabuhi, ano bala ang imo himoon, ano bala ang imo isipon sa panahon sang imo ulihing mga inoras diri sa kalibutan? Gusto mo bala nga malikupan ni Kristo ukon magsentro ka na lang gid sa imo mga kapaslawan? Puro ka na lang bala sa mga paghinayang ukon nagaangkon sing pagkakontento? Basulon mo bala ang imo kau-galingon ukon magpatawhay ka?

Dira sa grasya para sa tagumatayon may kasarang ka sa pagbalikd sang imo kinabuhi nga walay pagpanghina-yang ukon aligutgot, kag may madalum nga pagkakontento. Makasiling ka upod kay Apostol Pablo nga:

Nakapakig-away ako sing maayong pag-away,
[nagapadayon sa pagkahamtong tubtub sa kamatayon], natapos ko ang dalaganon, natipigan ko ang pagtoo [nabantayan ang doktrina nga nagapuyo sa akon kalag]. (2 Timoteo 4:7)

Subong nga nahimo ni Pablo, makalaum ka man sa walay katapusan, mahimayaon nga kinabuhi upod sa Ginoo—ang kinabuhi nga puno sang indi malaragway nga mga pakamaayo kag mga padya.

Sa palaabuton [sa eternidad] may natigana para sa akon nga korona sing pagkamatarong [walay katapusan nga mga padya], nga ang Ginoo, ang matarong nga Manughukum, magapadya sa akon sa sina nga adlaw [didto

sa lingkoran nga hukmanan ni Kristo];³⁴ kag indi lamang sa akon, kondi para sa tanan nga naghigugma sang lya pagpakita [nalikupan ni Kristo]. (2 Timoteo 4:8)

Kaangay sang mga purongpurong sing kadaugan para sa tumalagsahong mga naagum sadtong sinaunang Romanhong kalibutan, ang mga padya sa espirituhanong ginsakupan amo ang walay katapusan nga sabat sang Dios sa mga tumuluo nga bug-os nagpauyon sa lya katarungan, nagpabilin nga matutum sa lya Pulong, kag nag-abante pakadto sa espirituhanong pagkahamtong. Subong resulta, kon magtindog ka na sa imo nabanhaw nga lawas sa atubangan ni Ginoong Jesu-Kristo didto sa lingkoran sang hukmanan ni Kristo, mabatian mo ang lya mga Pulong:

Maayong pagkahimo, maayo kag matutum nga ulipon; nangin matutum ka sa pila ka mga butang, himoon Ko ikaw nga manugdumala sang madamo nga mga butang: sulud ka sa kalipay sang imo agalon. (Mateo 25:23, KJV)

34. Ang hukmanan nga lingkoran ni Kristo nagasugod sa gilayon pagkatapos sang Pagsabnit sang Simbahan kag amo ang duug sa diin ang tanang mga tumuluo sa Panahon sang Simbahan pagausisaon ni Ginoong Jesu-Kristo nahanungud sang ila espirituhanong pag-abante kag nangin resulta nga produkto sa sini nga tinion (1 Mga Taga-Corinto 3:13) kag niyan pagapadyaan sang ila mga pakamaayo nga indi matupungan-nga grasya sa bug-os nga eternidad (2 Mga Taga-Corinto 5:10).

Dugang sa Basahon

ANG PITO KA MGA KAMATAYON

- I. Ang lawasnong kamatayon amo ang pagkahamulag sang kalag sa lawas.
 - A. Kon ang tumuluo mapatay, ang Balaan Espiritu nagakuha sang iya kalag kag sang iya tawhanong espiritu kag nagabulag sining dimateryal nga parte sang tawo, nga amo ang matuud nga tawo, halin sa lawas kag nagapasulud sa iya didto sa presensya sang Ginoo (2 Mga Taga-Corinto 5:8).
 - B. Ang lawasnong kamatayon nagakatabo kon ang de-kuryente nga mga pagpamukaw sang utok indi na mabatyagan. Ang lawasnong kamatayon indi mapat-ud sang de-kuryente nga pagpamukaw nga nakarekord sa tagiposoon.
 - C. Ang lawasnong kamatayon indi trahedya para sa tumuluo kondi may pagkalain nga himaya (Mga Taga-Filipos 1:21).
 - D. Ang ditumuluo walay palaabuton sa Dios. Kon mapatay siya, ang iya kalag nagabiya sa iya lawas kag nagakadto sa duug nga gintawag mga Pasakit didto sa Hades. Amo ini ang temporaryong puluy-an para sa ditumuluo sa diin siya nagahulat sang Ulihing Paghukum kag sang silot sa permanenteng puluy-an didto sa linaw sang kalayo (Bugna 20:14).
- II. Ang espirituhanong kamatayon amo ang pagkahamulag sa Dios sa sining tinion—ang divine nga silot

sa mismong punto sang lawasnong pagkabun-ag (Genesis 2:17; Mga Taga-Roma 5:12; 6:23; Mga Taga-Efeso 2:1).

- A. Ang espirituhanong kamatayon amo ang nangin resulta sang orihinal nga sala ni Adan sang nadula niya ang iya tawhanong espiritu kag pagpakig-upod sa Dios. Indi na siya makasarang maghangup sang espirituhanong makatalanhaga nga butang.
 - B. Ang espirituhanong kamatayon para sa tanang nagasunud nga mga henerasyon amo ang resulta sang pagpaangkon sang silot nga orihinal nga sala ni Adan sa mismong tion sang pagkabun-ag sa pinanubling kaliwat nga makasasala nga kinaiya. Ang kada tawo natawo nga buhi sa lawas apang patay sa espiritu (Mga Taga-Roma 5:12, 18; 6:23).
 - C. Ang pagtoo sa kay Ginoong Jesu-Kristo sa sini nga tinion nagatipig sang palaligban nahanungud sang espirituhanong kamatayon (1 Mga Taga-Corinto 15:22; 2 Mga Taga-Corinto 5:17).
- III. Ang ikaduhang kamatayon nagatumod sa Ulihing Paghukum, ukon sang pagkahamulag sang tumuluo sa Dios sa bug-os nga eternidad (Mga Hebreo 9:27; Bugna 20:12–15).
- IV. Ang nakaposisyon na nga kamatayon nagatumod sa pagkakilala sa kamatayon ni Kristo. Ang mga tumuluo sa Panahon sang Simbahan ginkilala sa kay Kristo, indi lamang sa lya kamatayon didto sa krus (epektibo sadto pa anay nga nakaposisyon nga kamatuuran), kondi nga sa lya man nga pagkayab kag pagpakigtipon sa tuo nga kamut sang Amay (sang sa

karong nakaposisyon nga kamatuuran)³⁵ (Mga Taga-Roma 6:1–14; Mga Taga-Colosas 2:12; 3:3).

- V. Ang temporaryong kamatayon amo ang pagkahamulag sa pagpakig-upod sa Dios sa sini nga tinion.
 - A. Kon ang tumuluo nagagowa sa pagpakig-upod sa Dios pinaagi sa sala, bisan kon sa panghunahuna, sa paghambal, ukon sa hayag, ara siya sa kahimtangan sang pagkaunudnon, nga kasami ginatumod nga subong “kamatayon” (Lucas 15:24, 32; Mga Taga-Roma 8:6; Mga Taga-Efeso 5:14; 1 Timoteo 5:6; Santiago 1:15; Bugna 3:1).
 - B. Ang 1 Juan 1:9 amo ang palaagihan sa diin ang tumuluo nga ara sa gowa sang pagpakig-upod puwede makabalik sang pagpakig-upod sa Dios.
- VI. Ang nagapanghikot nga kamatayon amo ang bisan anong porma sang Kristohanong pagpangalagad luwas sa pagpuno sang Balaan Espiritu—ang tawhanong kaayo nga nangin produkto sang unudnon nga tumuluo (1 Timoteo 5:6; Mga Hebreo 6:1; Santiago 2:26).
- VII. Ang pangsekwal nga kamatayon amo ang pagkawalay abilidad sa pagpanganak. Nasambit sa Mga Taga-Roma 4:17–21 kag Mga Hebreo 11:11–12, ining duha ka mga panghitabo nagatumod sa pagkabaog ni Sarah kag sang kawalay kasarang ni Abraham sa paghimo sang manunubli (Genesis 17:17; 18:11, 13).

35. Thieme, *Ang Divine nga Paglarawan sang Kasaysayan*, 142.

Tultulan sa Balaan nga Kasulatan

DAAN NGA KATIPAN

GENESIS	
2:17.....	4, 78
3:7.....	5
3:15.....	8
3:17.....	5
3:19.....	33
5:5.....	6
5:24.....	62–63
17:17.....	79
18:11.....	79
18:13.....	79
25:8.....	47
DEUTERONOMIO	
15:11.....	35
1 SAMUEL	
2:2.....	7
2 SAMUEL	
12:23.....	68
1 MGA CRONICA	
10:13–14.....	41
2 MGA CRONICA	
24:20.....	48
JOB	
1:21.....	66
5.....	25, 30, 69
5:19.....	26
5:20–21.....	26
5:22–23.....	27
5:24.....	28
5:25.....	28
5:25–26.....	34
5:26.....	29
5:27.....	30
13:15.....	74
19:25–26.....	34, 65
24:17.....	9
34:22.....	9

MGA SALMO	
22:1.....	19
23.....	53
23:1–3.....	53
23:4.....	45
23:4–6.....	57
31:5.....	21
31:15.....	30
33:18–19.....	18
68:19–20.....	53
110:1.....	22
116:15.....	19
118:17–18.....	40
118:23–24.....	36
138:2.....	17
 ANG MANUGWALI	
3:1–2.....	30
3:4.....	69
 12:5–6..... 31	
12:7..... 33	
 ISAIAS	
14:13–14.....	6
30:18.....	7, 15
53:9.....	20
53:12.....	24
 JEREMIAS	
9:13–14.....	40
9:20.....	70
29:13.....	68
 DANIEL	
3:17–18.....	73
 OSEAS	
8:7.....	38

BAG-ONG KATIPAN

MATEO	
4:4.....	53
5:13.....	73
6:11.....	54
6:25–34.....	54
22:44.....	22
23:34–35.....	48
24:26.....	23
24:36.....	63
25:23.....	76
25:41.....	6, 10–11
26:11.....	35
26:67.....	20
27:26–35.....	20
27:46.....	21
28:9.....	22
28:17.....	22
 MARCOS	
8:36–37.....	11
9:47–48.....	12
12:36.....	22
13:32.....	23, 63
14:7.....	35
14:65.....	20
15:15–24.....	20
16:9–14.....	22
 LUCAS	
15:24.....	79
15:32.....	79
16:22–24.....	6
 JUAN	
3:6–7.....	9
3:15.....	42
3:16.....	8
3:18.....	12, 18
3:36.....	12, 18
10:28.....	34, 42, 44, 65
11:25.....	34, 65
12:8.....	35
14:1–6.....	34, 65
14:2–3.....	67
14:6.....	13
14:26.....	54
16:11.....	2
18:12.....	20
18:22.....	20
19:1–18.....	20
19:30.....	19–20
20:14–21:14.....	22
20:31.....	42
 MGA BINUHATAN	
1:7.....	23, 63
2:1.....	23

2:33.....	22	1:30.....	15, 42
2:34–35.....	22	2:9.....	14
5:31.....	22	2:16.....	17, 45
16:31.....	12–13	3:11–15.....	35
17:27.....	68	3:13.....	76
		15:12–17.....	22
		15:22.....	78
MGA TAGA-ROMA			
1:19–20.....	68	15:23.....	23
3:22.....	15, 42	15:51–52.....	64
3:23.....	4	15:51–57.....	34
4:17–21.....	79	15:53.....	63
5:12.....	5, 78	15:55–57.....	34, 58
5:14.....	5		
5:18.....	78	2 MGA TAGA-CORINTO	
6:1–14.....	79	5:1–4.....	4
6:2.....	42	5:8.....	34, 42, 44,
6:6.....	5		65, 77
6:8.....	42	5:10.....	35, 60, 76
6:11.....	42	5:17.....	78
6:23.....	78	5:21.....	8, 15, 42
7:5.....	5		
7:8–20.....	5	MGA TAGA-EFESO	
7:18.....	5	1:3.....	14
8:1.....	12, 34	1:6.....	8
8:3–4.....	5	1:10.....	23
8:6.....	79	2:1.....	5, 23, 78
8:38–39.....	44	2:5.....	23
14:7–8.....	54	2:7.....	14, 23, 60
14:8.....	31	2:8–9.....	18, 23
15:13.....	54	4:8–10.....	25
16:25.....	23	4:22.....	5
		5:14.....	79
1 MGA TAGA-CORINTO		6:11.....	42, 60
1:8.....	34		

MGA TAGA-FILIPOS			
1:20–21.....	50	4:13.....	52
1:21.....	56, 77	MGA HEBREO	
2:9.....	22	Libro sang.....	59
3.....	71	1:13.....	22
3:9.....	15, 42	1:14.....	54
3:12.....	72	2:14–15.....	2
3:13–14.....	72	6:1.....	79
3:14.....	14	7:25.....	23
3:20–21.....	34	9:27.....	7, 78
3:21.....	34, 63	9:27–28.....	34
4:19.....	25	10:13.....	22
		10:31.....	13
		10:35–36.....	42
MGA TAGA-COLOSAS		11.....	45
1:25–26.....	23	11:4.....	48
2:12.....	79	11:5.....	61–62
3:3.....	79	11:6.....	62
1 MGA TAGA-TESALONICA		11:9–10.....	60
4:13.....	34, 70	11:11–12.....	79
4:15–17.....	64	11:13.....	45, 61
4:16–18.....	67	11:37.....	48
5:23.....	9, 33–34, 42	12:1.....	46
		12:5.....	18
1 TIMOTEO		12:6.....	39
5:6.....	79	12:11.....	18
		SANTIAGO	
2 TIMOTEO		1:12.....	60
Libro sang.....	49	1:15.....	79
2:9.....	49	1:17.....	66
4:6.....	50	2:26.....	79
4:7.....	50, 75	4:14.....	10
4:8.....	76		

1 PEDRO			
1:3–5.....	22	2:11.....	10
1:21.....	22	2:28.....	14
1:4–5.....	34	3:1.....	79
2:24.....	16	3:4–5.....	14
3:18.....	20	3:19.....	39
5:4.....	60	3:20.....	39
		4:7.....	6
2 PEDRO			
2:20–21.....	38	12:4.....	6
3:9.....	13, 67	19:16.....	23
3:18.....	18	20:10.....	6
1 JUAN			
1:9.....	17–18, 79	20:11–15.....	10–11
3:1–2.....	34	20:12.....	18
4:4.....	2	20:12–15.....	78
5:11–12.....	34, 42	20:14.....	77
5:16.....	18, 39–40	20:14–15.....	11
		20:15.....	6, 12, 18
		21:2.....	60
		21:4.....	29, 34, 41–42, 44, 65
		21:10.....	60
BUGNA			
2:10.....	14		

PANGUNA NGA MGA LIBRO NI R. B. THIEME, JR. GINPASALIG NGA PAGPASUNUD

*Ang Plano sang Dios
Ang Tatlo ka mga Persona sa Isa ka Dios
Tiyanggihan sa Ulipon sang Sala
Ang Balabag
Panumbalik kag Magpadayon!
Pagpain sang Sala
Ang Kinabuhi sang May Pagtoo nga May Kapahuwayan
Dios Balaan Espiritu batok Ang Makasasala nga Kinaiya
Makagalahum nga Panghunahuna
Ang Pagkaditumuluo
Diosnon nga Pagtuytuy
Pangamuyo
Pagpanaksi
Ang Mausikon nga Anak*

SA PAGTOLON-AN NGA MGA PAGTOON SA BIBLIYA

Doktrina sang Bibliya, ang kabilogan sang pagpanudlo nga ginkuha halin sa literal nga pagpakahulugan sang Balaan nga mga Kasulatan, amo ang talaksan para sa espirituhanong kamatuuran. Ang pagtoon sa Bibliya nagsangkap sang espirituhanong nutrisyon para sa Kristohanon (Mateo 4:4).


Ang importansya sing doktrina sang Bibliya indi puwede pasobrahan sing pagpatalupangud (Salmo 138:2). Ang Dios nagasugo sang Kristohanon nga magbaylo sa sulud (Mga Taga-Roma 12:2). Ini nga pagbaylo nagakinahanglan sang kada adlaw nga pagbag-o sang hunahuna pinaagi sa pagtoon kag pag-aplikar sang Pulong sang Dios (2 Mga Taga-Corinto 4:16; Mga Taga-Efeso 4:23).

Sa madamong mga tiniug ang sa pagtolon-ang mga klase sa Bibliya nga gintudlo ni R. B. Thieme, Jr., nakasangkap sang espirituhanong pagkaon para sa iya kongregasyon. Ang mga bantalaan kag mga ginrekord sa audio kag video sang iya mga pagpanudlo nahanda na sa wala sing bayad ukon obligasyon. Para sa pag-order kag sa impormasyon, palihog sulat ukon tawag sa Ministries ukon magbisita sa website. Ang katalogo (sa English) sang sa pagtolon-ang mga pagtoon sa Bibliya igasangkap sa tion nga pangayoon.

R. B. THIEME, JR., BIBLE MINISTRIES
P.O. BOX 460829
HOUSTON, TEXAS 77056-8829
www.rbtthieme.org
713-621-3740

ROBERT B. THIEME, JR. (1918-2009), nagpabilin nga makahulunganong tingog sang pagka-Kristohanon sa bug-os nga kalibutan. Ang iya mapisanon kag mahimulaton, maathag nga pagpanudlo nakabase sa kinaunahan nga mga panghbalang sang Balaan nga Kasulatan sa kapawa sang makasaysayang konteksto sa diin ang Bibliya ginsulat. Ang iya makabag-o nga mga sistema sang bokabularyo, mga paglaragway, kag bibliyanhon nga mga kategorya klaro nga nagapahibalo sang wala nagakasayup nga mga kamatuuran sang Pulong sang Dios. Si Thieme may narekord sang sobra sa onse ka libo ka oras sang mga wali kag nagbantala sang sobra sa isa ka gatos ka mga libro nga nagalakip sang madamo nga mga bersikulo sang Bibliya.

Si Thieme naggradwar sa Unibersidad sang Arizona (Phi Beta Kappa) kag Dallas Theological Seminary (summa cum laude). Ang iya mga pagtoon sa seminaryo nauntat tungud sang katungdanan sa serbisyo militar sang Ikaduha nga Gira sa Bilog nga Kalibutan sa panahon nga diin ginpataas siya sa ranggo sang lieutenant colonel sa United States Army Air Corps. Pagkatapos makompleto ang iya buluhaton sa paggradwar sang 1950, nangin pastor siya sang Berachah Church sa Houston, Texas. Ang iya masangkad kaayo nga kahanasan sa Griyego, Hebreo, teyolohiya, istorya, kag pagpangusisa sang teksto nagsangkap sang pundasyon para sa iya mahangkaton kaayo nga propesyonal nga kinabuhi sang pagtoon kag pagtudlo sang Pulong sang Dios. Si Thieme nagretiro subong pastor sang Berachah Church pagkatapos sang singkwentay tres ka tuig sang matutum nga pagpangalagad.



Hulagway ni Robert Becker

Grasya para sa Tagumatayon

ang kinabuhi nagabitay sa mapino kaayo nga hilo nga puwele bugtoon sa bisan anong tion. Ina bala nga panghunahuna nagpahadlok sa imo? Nagpakugmat bala kag nagpataranta sa imo?

Ang Dios wala gid nagdisenyo sang pagkatagumatayon nga mangin makakulugmat ukon makahaladlok para sa tumuluo ni Ginoong Jesu-Kristo. Sa kabaliskaran, ang Dios nagdisenyo sang imo tagumatayon nga mga tion nga mangin ang pinakamaayo, ang pinakamatam-is nga parte sang pagkinabuhi. Dira sa grasya para sa tagumatayon, magrasyahon Siya nga nagasuporta sang tagsa ka kinahanglanon agud himoon ini nga tiniong ang kinataasan nga kalipay kag kalinong samtang nagahulat ka sang pagsugata sing atubangay sa Ginoong Himaya.

Ang imo tagumatayon nga mga tion bililhon kaayo sa Dios tungud kay sila amo ang kinatapuson nga oportunidad agud pasidunggan ang iya indi masayup nga Pulong dira sa sulud sang imo kalag. Ang paghatag sang grasya para sa tagumatayon nagapakita sang iya divine nga pagpanugot. Nahamuut Siya sa imo kag nagahatag ini sa iya sing dako kaayo nga kalingawan agud pakamaayohon ka. Pinaagi sa doktrina sang Bibliya, ginahatagn mo sing dakong importansa ang tanang tumalagsahon nga daw indi mapatihan nga mga pakamaayo sing grasya para sa tagumatayon agud nga ang imo tagumatayon nga mga tion makapahimaya sa Dios.